

叙  
州  
府  
志

列女

第廿四册





敘州府志卷三十八

列女二

富順縣

明萬鼎妻舒氏 年三十夫歿止一女無舅姑伯叔可

依志操貞潔矢志不移紡績織紉以營衣食女既長

招婿同居守節五十餘年卒年八十有七入祠

戴良達妻傅氏 名淑甯永樂年間邑御史晏鐸撰

傳畧曰幽閒貞淑以孝敬事舅姑以和順待親族奉

祭祀克盡於禮修行婦道鄉黨稱之良達卒子齊政

在襁褓淑甯曰夫之不幸天也幸有舅姑可依子可

敘州府志卷三十八

列女

富順

冀其成立吾何恨焉躬紡績織紉日給饋食至貧窶

終無他意入祠

鄭友文妻黃氏 年二十三夫故無子誓不更嫁辛

苦紡績孝養舅姑及歿葬祭以禮妯氏早卒獨力營

家撫妯氏幼男復宗為己子年六十八卒入祠

楊氏義姑 中丞楊述中祖姑初楊氏豐富田地數

千畝義姑父母早歿止一弟名洪方五歲義姑迨吉

尙未問名族黨利其家產眈眈覷之姑曰父母歿在

孤惟弟在室惟我今我為人家婦不過從人持門戶

耳我去孤危恐不有於生昔李文姬脫不先歸趙氏





不難與變也同遯終不願以高義爲王成乞也我當  
誓不嫁與弟終身保持或者天其有鑒乎已而經紀  
其家政以育以教其弟成孝廉白首全節後楊氏蕃  
衍光大耐廟世祀之稱義姑云 段玉裁曰古今  
門第之興多由內助然未有若楊氏之異也處孤危  
之際而能保全弱弟卒昌大其門閭非獨天資之厚  
抑其才識有過人焉昔賢謂託孤寄命爲君子若所  
稱義姑者誠楊氏之嬰杵閨幃之君子也厥後貞烈  
二姑與相輝映楊氏何多賢女哉

李朝恕妻羅氏 年二十八夫卒三子俱幼家無可

敘州府志

卷三十八

列女

二

富順

仰哀毀幾不聊生營葬畢辛勤紡績以理家事奉養  
必具甘旨撫訓諸子成立入祠

參政甘敬修妻劉氏 本中女年十八敬修無嗣娶  
爲側室敬修歿氏長號仆地久方甦水漿不入口者  
旬日孀居五十餘年皤衣素履獨坐中室雖諸生不  
輕見卒年八十一入祠

劉福壽妻魏氏 年二十六夫故安貧守節躬拾禾  
穗教子朝海舉於鄉孫用中成進士曾孫下登科甲  
者七人元孫承諏任兵部員外疏下禮部行本省巡  
按御史勘覆奉旨旌表入祠



周女 周孟端女正德癸酉廖賊擁眾至縣境周與羣女匿崖中賊得之周奔塘溺幾死賊強扶上馬行一里許遇大江下馬奔逸賊追之遂投江死時年十九死一日父母哭於江濱屍忽浮水面人咸嘆其靈異入祠

冷端然妻彭氏 正德癸酉彭與女俱為流賊所獲不屈遂遇害入祠

周存儀妻何氏 本和季女年二十八夫卒守志育女沉毅寡言苦節三十餘年卒入祠

李女 李定女定始以女許聘同姓後有別姓圖女者執同姓應離律欲奪之不得因而質之於官女以

敘州府志

卷三十八

列女

三

富順

更聘為辱遂縊死入祠

周衡妻楊氏 苦節終身入祠

生員楊炆妻陽氏 臨沅道惟喬母年未三十喪夫清苦守志教子成名

黃田妻楊氏 知府承棟女適榮縣庠生黃田未兩月夫歿守志終身旌表入祠

甘芹妻駱氏 適芹芹早卒柏舟自矢入祠

郭懋宏妻楊氏 侍郎述中次女名二姑通內則列女傳呂氏閩範諸書年十五適隆昌庠生郭懋宏未



踰年懋宏抱病臨訣時遺命續嗣氏許以死殉密書誓詞於帶曰妾心一片鐵不與紅爐滅煢煢未亡人茹苦肱九折一死鴻毛輕豈受風塵繼妾髮可剪頭可截越二年胞弟懋和生次子名孝懿氏立為嗣長七歲氏曰可以死矣爰歸甯自縊死鄉人諡曰貞烈天啟五年旌表建坊西湖

巡撫饒景暉題疏

該臣看得楊氏誼挾清霜聲垂彤誓詞讀之猶有生氣靡他地下之共伯不愧女中之程嬰首宜旌揚以傳列女

尚書孫如游

題疏

該臣部看得楊氏毓粹名門性生完節夫病則呼天祈代顛生甯愛髮膚夫亡則鑄佩自盟矢

志允堅金石迨定嗣於膝下遂隕首於縵中芳容不改生前烈行應褒歿後

馬之騏驎貞

敘州府志

卷三十八

列女

四

富順

烈楊孺人傳

同門友聶元玉為余談其里郭母楊孺人死節事甚烈屬余為傳余讀其書而

慟之涕橫集矣矧揚芳振徽載筆者奚容辭孺人姓楊氏為符卿衡玉先生仲女少穎慧端重母為授孝

經列女傳諸書輒能領悟己得呂叔簡所著閨範圖益研其大指丙申歸隆昌郭懋宏莊如賓友事翁若

姑婦道甚飭歲己酉懋宏力學而羸遂病瘵孺人為脫簪珥治醫藥徧走羣望病亟持其踵而訣曰修短

命也其奈若敖餒何孺人拊心長號將以身殉符卿公百計譬解之意始少解然己隱書絕命詞衣帶間

矢靡他矣符卿公攜之歸盡謝膏沐坐臥一小樓梵唄聲琅琅徹簷楣間以為常久之聞其姒舉第二子

私喜曰未亡人藉手以報夫子者其在此呱嗚者乎請於翁姑王父立為懋宏嗣名曰孝懿為文告家廟

大會諸親黨既成禮挈以省符卿公具告以故徘徊兩旬餘遂經而死端坐瞑目面色如生取其笥則遺

書與符卿公暨諸姊妹若弟者各一牘語懇而意暇衣裾衾舄罔不夙辦時丁巳五月二十二日也訃聞

通國咸奔哭之搢紳三老列其事於學使者私諡貞烈郡邑親臨祭焉史氏曰夫生死之際亦難矣高談



性命之儒或汶汶焉而矧是髻黛者流乎自昔彤管  
 所紀慷慨引決以報所天已足昭閨儀而風薄俗孰  
 有遲回至九年之久必待如縑之緒克延既寒之骨  
 不朽而從容畢命為幃房之嬰杵者乎且上不難割  
 顧復之恩下不必終襁負之愛而一惟同穴之盟是  
 尊胡其定也斯誠正氣之所獨鍾而為亙古之所創  
 睹者哉體生有源則符董其昌書郭烈婦遺書後楊  
 卿公之內訓從可卜己董其昌書郭烈婦遺書後女  
 郭節婦諡貞烈事具顧宗伯錢太史傳中斐而核矣  
 無以有加以及讀節婦遺姊妹書有云為讀書所誤  
 慎勿讀書則自其乃翁尚寶公以及諸贈言者皆未  
 下注腳使此意揭日月而行天幸余獨知其解敢惜  
 厯贅語云求忠臣必於孝子之門予亦曰求烈婦必  
 於孝女之室然而事勢有兩難者若陵母之自刎趙  
 苞之臨敵義有所重而情有所割也節婦之意曰殉  
 夫則不能事父修地下之諾則不能承膝下之懽彼  
 蓋鴻毛一死而昊天二人作此沉痛語耳不然其所  
 為捐軀立節者將以為婦鵠豈不以厚望於骨肉乃  
 以稱誤哉昔者孔子嘗自稱節婦之讀書果成誤也嗟乎  
 秋乎使春秋果有罪則節婦之讀書果成誤也嗟乎

三光五岳之氣鍾於節婦而五經廿一史之書亦證  
 於節婦無論腹笥萬卷如蔡文姬李易安輩面甲十  
 重即唐之衛鄭公國朝之楊文貞勲業文章炳炳今  
 古猶將慙避三舍書何誤於節婦哉稱節婦以三十  
 六歲故余謂心死為真身死為幻節婦自計郭郎一  
 死之後已自無生九年之中日日皆死日也大抵驟  
 死易待死難何則死生於情驟則激久則夷夷則悲  
 心漸微而繼立之後又以鞠子教兒為解故謂節婦  
 三十六而故者此數甲子語也實與郭郎同逝久矣  
 兩史公既表節婦之烈余復闡其純孝之隱如以婦  
 為為虛名世有以死博虛名者何人哉時節婦之叔  
 父宏聚司教吳中予為言之如是宏聚曰九原可作  
 必謂生我者父母知又詩一悽恨分隻影徐圖報所天  
 我者年家史公也又詩一悽恨分隻影徐圖報所天  
 大義從容就遺孤委曲全告成因繼絕忍死一行權  
 結練猶悲晚留詩不愧前何云讀書誤千載楚詞傳  
 張竊貞烈贊男兒讀盡天下書貪生怖死將奚為只  
 之鋼不繞指不見男兒見女子問渠何為擲一死一  
 死從容又如此婦死夫兮夫有子妾身一死尋常事



妾心非願效古人妾心非願誇今人但妾所願妾死耳鴻毛泰山安足論吁嗟此心誰可比淡淡浮雲共止水世人常懷妾婦陳繼儒郭烈婦練銘蘇武塞上心死忠死直俱可矣江絲綾作頭中練之死終不移堂又詩絕筆傳來欲堂男子空鬚眉郭家有婦知不知又詩斷腸一言一淚挾冰霜立孤六尺心存趙從死千秋節並姜含笑黃泉無愧色列名青史有餘芳錦江水賦何堪薦采得山薇姚士慎頌貞烈詩為婦依稀識嫁裳赤繩空自首陽姚士慎頌貞烈詩繫百年筐盟心共穴冰猶骨瀝血從君鐵作腸明月夜哀餘草木清霜朝沈國淚傍鴛鴦可憐辛苦孤兒後留得雙魂見歲嘗華頌貞烈詩石琢肝腸鐵鑄心忍將花月自消沉一難收塵上影鬼神常泣帶中吟漫陳啟運頌貞烈詩言嬰杵輝千古貞烈於今嗣好音陳啟運頌貞烈詩藁砧聲斷向誰悲身繫綱常死不辭冰操獨盟天地老鐵心惟訴鬼神知存孤一綫猶夫在絕命干言為子詒中夜慈烏唬不絕曉看紅雨濕連枝

敘州府志

卷三十八

列女

六

富順

何雲章妻陳氏 適梁山孝廉何雲章雲章病篤氏割股和藥救之不效請以身代竟不起哀毀成疾卒入祠

監生唐偉妻熊氏 年二十五守志撫子武清成立五十三歲卒於黔之新添衛入祠

學正阮捷中妻劉氏 進士劉之柱女因流賊陷城同夫捷中死於普安學署黔撫范鏞題請賜贈入祠

按縣志原有劉泌妻尹氏朱氏兩傳今刪詳隆昌

列女

高在崙妻陳氏 進士陳翔龍女適瀘州高在崙甲



申寇亂被執不屈賊殺之入祠

進士熊江妻朱氏 年二十四歲孀居壽八十一卒  
入祠

進士范鑛妻白氏 年二十六孀居撫子琚璐康熙  
壬子同榜孝廉屢遭兵火勤苦敬慎保其室家長齋  
二十餘年里人士議陳其事請旌堅拒之督學山右  
馮公雲驥顏其閭門曰亮節慈臨入祠

解元周麟妻孫氏 年二十七守志撫孤今其子孫  
皆奉母訓有才名入祠

生員劉堯銓妻熊氏 銓病劇氏割股救之不起痛

敘州府志

卷三十八

列女

七

富順

哭幾斃氏美丰姿慰者曰以姊才貌何苦若是遂赴  
臥所割鼻自矢孀居數載獻賊至罵賊死入祠

周天章妻陳氏 居孀遇賊欲污不受赴黑龍潭死  
墓在縣西古樓嘴入祠

總兵楊國棟妻單氏 年二十四孀居寓黔之石阡

木橈山中剪髮毀容女適范璐迎以奉養氏另闢一  
室足不踰戶年五十八卒入祠

知縣楊愈昌妻郭氏 隆昌進士繼開女年二十八

昌歿任所時值荒亂流賊四起氏攜姑與幼子扶愈  
昌柩至貴筑不能歸姑歿備極苦辛紡緝自給課子



鴻基學亂後歸年七十卒入祠

吳良屏妻王氏 邑庠生岐鳳女獻賊破蜀良屏隨父遠宦氏奉姑依岐鳳家藏匿山箐糧盡夜出采蕨事姑良屏歸家旋歿氏甫二十九歲守節六十一卒入祠

生員范璵妻胡氏 崇禎庚戌流寇入川從夫郊外被執殺之入祠

編修劉蒞妻唐氏 劉蒞妻盧氏 崇禎甲申獻賊屠城唐氏隨繼姑錢氏奔避氏見賊追逼促姑乘馬去自投江死其嫂劉蒞妻盧氏爲賊所執時蒞已被

敘州府志

卷三十八

列女

八

富順

殺賊強氏行氏給曰見夫屍乃行及蒞死所抱蒞屍慟哭大罵賊殺之投之江中俱入節孝祠

黎雅參將蕭某妻劉氏 流寓滇南聞永曆走緬乃取壁間驛梅驚別意堤柳暗離愁句題十絕於後以七歲子付家奴匿之欲手刃幼女自縊亂兵驟至遂同赴井死入節孝祠其詩云馬革何人能裹屍四維不振笑男兒幸存碩果傳幽閣驛使無由到雅黎木偶同朝祇素餐人情說到死真難母牽幼女齊含笑梅骨稜稜傲雪寒苟活如何死便休文姬胡拍總堪羞馬嘶芳草香魂斷驚醒人間節婦流口頭節義是



誰無力挽山河卻浪虞刀劍不移巾幗志別無沾滯  
信吾徒立也悲傷坐也傷日沉無語對斜陽心憐夫  
祧兒還父意慘君讐女伴娘土兵過去又官兵日望  
征人不欲生足練有緣紅粉盡堤邊一撮是佳城未  
嫁緣知冠蓋凋夕陽古道冷蕭蕭耳邊似聽征魂泣  
柳絮因風不待招日前送別屬陽關立志當如張別  
山江陵之孫同厥官宮詹司馬與瞿式耜俱死難粵西音信憑誰隴上寄暗傳  
汝婦已投繯凶莫凶兮國喪亡內庭無主各奔忙佳  
人力薄成何濟離卻塵氛骨亦香禾黍流離最可憐  
火焚無雨救頭然心雖猶念同心子愁殺家鄉盼杜

敘州府志 卷三十八

列女

九

富順

鵲

江季子妻聶氏 適隆昌江季子為婦姑病剖肉和  
羹食之驟瘥司業陳盟為立傳

聶貞姑 聶玉里登長女幼字李建李溺於水姑以  
身殉之邑侯周夔有詩咏其事

胡氏 胡公輔女年十七歲母時病篤女祈神願以  
身代復割股和藥以進母遂愈鄉論以為孝感 段  
玉裁曰昔劉向傳列女非僅以節烈著凡純性懿行  
可示法則者皆述焉誠以常變雖殊其足維厲風俗  
一也邑中列女多以節烈傳而孝行才藝之可表者



亦間有之故附見焉雖事止一節亦足以風勸矣

皇朝生員劉蠡源妻喻氏 蠡源赴試卒於外氏年二十

無子矢志終身卒年六十九入祠

監生楊愈新妻何氏 年十九守貞卒年七十一入

祠

梁應禮妾王氏 本苗人為應禮家婢女應禮無子

以為側室生二子應禮歿矢志不嫁事嫡有禮育子

將成年未四十卒

楊鴻基撰梁節婦傳

梁節婦王氏里人王應禮側室本苗人無姓氏蓋苗人多以王

姓故人遂稱為王氏云應禮世業農後應役以身在官不暇農也嘗買蠻童以自代後有以苗女售者應

敘州府志

卷三十八

列女

十

富順

禮購之將為蠻僮配即王氏也以其幼也姑俟之繼  
年及瓜堅不肯為蠻僮配強之則走匿崖穴者數矣  
無何蠻僮死應禮時無子以為側室有身晚則男也  
應禮婦陳亦賢淑少勞瘁且屢喪子茹疏早衰以家  
事盡付王氏氏每事必稟嫡命然後行而嫡之親愛  
一女應禮老且瘵將死謂氏曰我死而主母老汝尚  
少恐無以持門戶且子女婚嫁事正多諒非汝力能  
辦今隣姓某鰥而樸甚愛敬我及吾息之尚在也以  
汝母子付之一切門戶婚嫁可使無遺慮我死且瞑  
目矣氏泣曰我身既事君不必言再嫁君第善自愛  
能再起甚幸即不然我自念必能撫君兒女成立留  
面目他日見君地下耳應禮死氏與嫡如夫婦內外  
異任惟凡力作之事氏獨肩之數年如一日也時兩  
兒尚未能勝耒耜至春事將舉有謂事宜與人通工  
易力庶無失東作氏自謂我嫠也與人易事烏得無  
嫌天下事何不可為在人勉不勉耳乃躬秉耒日趨  
隴畝兩兒操耰鋤從如是者三四年迨畢長子婚而  
氏亦勞鬱有病矣及嫡終慟不自勝葬畢哀益不能  
止病益漸進逾年次男當婚而氏臥床不能起竟奄



奄而逝年尙未四十也楊鴻基日易云女子之貞詩咏之死靡慝意必植根深聞教熟者乃能貞苦節而甘之然而姬姜之族尙且容有軼行若斯之出侏儻族爲輿臺偶豈嘗目覩內則之篇耳聞姆師之訓者哉雖然天下之大如此類者不止斯人而論人者正不必於氏族求而今之表彰揚扆或在彼而不在此也誠可慨也悲夫

楊必讀妻余氏 青年守節壽一百有三歲庚熙四十九年邑令姚銳以百齡人瑞額懸其門

黃諄妻鄧氏 姑查氏病篤鄧氏亦病刲股救姑姑病愈鄧氏病亦愈人謂孝心所感

劉元復妻江氏 年二十六夫歿守節五十年卒年七十七入祠

敘州府志

卷三十八

列女

十一

富順

楊鐸妻郭氏 舉人運暄女適遵義庠生楊鐸年二十一夫歿欲自縊因有身其姑固止之及娩產男遂不食死係康熙癸丑年事入祠

王于蕃妻尤氏 年二十二于蕃歿守志奉姑姑目翳氏每晨起必跪舐姑目後姑目明復病癰頰吮之得愈教二子極嚴長子維時康熙乙酉舉人次子維新丁酉武舉康熙五十二年建坊 旌表

廩生楊師震妻蔡氏 年二十四夫歿氏泣血欲殉宗族以親老子幼勸乃止事姑勤慎常篝燈課子歷數十年孫隆宇鍾靈俱入庠雍正四年建坊 旌表



王鏞妻李氏 姑病氏割股以啖邑侯錢金紳贈以  
妻體療姑額 旌其門

夏之璜妻李氏 年二十九夫歿教子朝常登雍正  
癸卯鄉薦任吳堡知縣邑人范璐爲立傳入祠

涂朝卿妻郭氏 年二十四夫病剪髮焚禱願以身  
代及歿痛絕復甦者再事姑撫子守節四十三年

李九成妻張氏 建甯知府翔鳳女氏年二十夫歿  
無子爲夫立繼子復早殤氏亦尋卒

李天樞妻陳氏 年二十三夫歿哀毀臨窆觸石欲  
以身殉姑泣曰汝死遺孤失恃如李氏一綫何挽救

之得不死繼喪姑子旋逝撫數月孫至成立孫亦歿  
復撫曾孫家貧衣食皆自給卒年九十四無病終雍  
正五年建坊 旌表入祠

按縣志此處原有宜賓張殿颺妻李氏傳今採入  
宜賓列女

丁元卿妻胡氏 年二十二夫卒孀姑六旬子甫八  
月氏勤機杼紡績訓子入庠雍正四年 旌表入祠  
李九河妻王氏 名寅姑王于蕃女年二十一夫歿  
哀慟絕粒姊妯慰之氏乃勉從育子有法午夜績麻  
伴子誦習親爲指畫子愨年踰五十稍有過重責不



貸性莊肅庭闈無笑語聲年近八十猶勤女紅季弟分產時以美業予之族隣服其義卒年八十四雍正

五年建坊 旌表入祠

邑人李芝詩

英英綠蘋質倚倚紫蘭叢亭亭青澗底鬱鬱晚林中晚林無雜卉清澗蔭長松

自言生何地芳香正蒙茸倏忽盲飈始坐為激湍衝無人驚歲晚委化任元穹寒山青兕叫白月冷泉淙豈不憚寒烈羞為桃李容桃李有枯榮是物無春冬翠莖犯密雪含英馥秋風采采佩仙人盛豆事宗宮搖落何足嗟惠問無終窮

生員王夢卜妻李氏 年二十夫卒守節事舅姑以

孝著教子湊仁雍正甲辰登賢書

姜淵妻傅氏 翁病篤氏割股以進翁病得愈

敘州府志

卷三十八

列女

三

富順

羅女 舉人羅萬象女癸姑許聘楊師文未歸師文

卒氏匍匐奔喪事姑孝里黨咸稱壽七十餘歿已請

旌入祠道光十九年建貞孝祠於邑北仙灘場二十

六年復建貞孝坊

聶璜妻江氏 年二十五夫歿事姑孝撫育二子成

立入祠

熊鼎延妻楊氏 鼎延卒於秦氏聞訃慟哭幾絕百

計資其所親輿櫬歸里以紡績自給育孤子成家

吏員蘇經妻劉氏 祖姑鄭氏病篤割股和藥又事

繼姑何氏色養備至士民與節婦鄭氏共請 旌之



邑侯劉上駟以一門節孝顏其門

李九紳妻陳氏 割股救姑張氏痊愈復活三載

王密仁妻李氏 名四姑歸三年夫歿遺孤早歿氏

水不入口數日不能死時姑在堂恐傷姑心於側室  
奉夫靈時時掩泣爲夫立後亦歿家貧刺針自給素  
食終身

唐珩妻楊氏 年十九夫歿事姑以孝稱紡績度日  
撫次子德裕入膠庠 旌表入祠

羅昱妻何氏 年十八歸昱二十夫亡子自達甫兩  
月飲冰茹蘖教子入膠庠守節四十年

敘州府志

卷三十八

列女

十四

富順

林永恭妻陳氏 二十五歲夫亡紡績撫子尤好善

喜調濟卒年八十九

何良誥妻范氏 年十七歸良誥二十二夫亡生子  
二家貧氏勤紡績自度守節終身

生員王紀肅妻陳氏 拔貢鍾義祖母年十七歸紀

肅二十夫卒矢志守節養舅姑勤女紅教子厥後家  
聲益振卒年八十乾隆十七年建坊 旌表入祠

蘇思長妻鄭氏 生員鄭朝相女二十二夫歿守節  
事姑孤子早卒媳劉氏亦苦節終身邑侯劉上駟給

一門節孝匾額懸之門



王勛妻楊氏 年十八夫亡奉翁姑撫五月孤子成名 旌表入祠

張瑾妻杜氏 年十七歸瑾二十一生子甫六月瑾歿二親猶在堂氏治圃操績以謀衣食養殮養葬俱能如禮撫子成立卒年六十四

張煥妻蕭氏 年三十三夫歿教子入庠苦節二十九 旌表

彭瑛妻黃氏 年十六歸瑛二十一瑛歿經紀家事養葬舅姑教孤子成名

黃塘妻杜氏 年十七歸塘十九歲生子甫六月塘

敘州府志

卷三十八

列女

五

富順

歿朝夕無所資依母家紡織營度孤子雖成立訓誨甚嚴卒年六十四

曾啟禮妻謝氏 年十六夫歿守節養葬舅姑教育孤子成名

廩生周錦妻雷氏 二十三歲錦歿舅姑在堂甘旨葬祭俱能盡職延師課子學濬入庠

朱時新妻舒氏 年十八歸時新踰年夫歿事孀姑勞養備至姑病篤醫藥不效割股和藥救之撫孤子成名

生員萬銳妻王氏 年十八歸銳生一子銳卒教子



邦彥入庠邦彥孝友與叔同居和睦無間言

何鰲妻王氏 貢生孟芳妹年十七歸鰲二十一鰲

卒矢志守節撫子終身

萬世最妻倪氏 字琪姑威遠貢生象姑女年二十

二夫故矢志守節教孤子詔學將成病歿氏飲食不

進號哭數日旋自縊死乾隆十三年 旌表堂弟萬

世暘率眾建坊萬家橋

李芝過倪氏節烈故里詩野路黃花合溪流曲折清  
青山誰共老白石自芳名

匪席心難卷投繯命所輕  
唯應烏楔月今古照人明

生員王近仁妻周氏 夫故守貞事姑訓子錫韓入

敘州府志 卷三十八

列女

六

富順

國學

朱洪光妻彭氏 洪光落水死旁人欲奪其志氏不

從恐終不免仍就夫死原處投水死乾隆二十年縣

丞袁廷桂申詳大府給志潔淵澄額

王賓臣妻梁氏 二十八歲夫歿遺子三女二氏痛

欲殉夫隣婦慰之曰當為子女計氏乃強飯城居無

產紡績度日婚嫁畢常居一樓長齋累月不下邑侯

熊欲易署因地係梁氏不果氏聞命其子獻地侯倍

價償之不受侯高其行 旌其門曰節義可風

廩生舒所蓄妻羅氏 年二十八所蓄歿堅志守節



養舅姑教子忤入庠卒年八十五

余天睿妻李氏 年十九歸睿踰年夫歿撫睿前妻之子躍龍甚恩愛娶媳二載躍龍尋故氏痛哭幾絕躍龍遺腹子男再世撫孤媳李氏亦承姑志兩氏孀居二十餘年鄉黨稱一門雙節

王先春妻楊氏 年二十二夫歿守節治家嚴肅撫子成立卒年七十

廖珍妻余氏 年二十二夫歿勤紡績奉養舅姑及歿葬祭盡禮子三長仕偉入邑庠年八十六卒

楊林妻毛氏 年二十三夫歿無子守節養姑立姪

敘州府志

卷三十八

列女

七

富順

承夫祧卒年七十

郭世勛妻江氏 年二十四夫歿守節卒年八十五

程建妻楊氏 年十九歸建生子一二十九歲夫故

撫孤子成立長孫君舉入國學歷節五十三年

顏國安妻唐氏 年十六歸國安十七夫故遺腹生

子名朝覲矢志守節歷節四十三年

周于德妻胡氏 年二十八夫歿養葬舅姑俱能有

禮育姪承夫嗣歷節四十年

生員王樞妻陶氏 年二十一樞歿遺子僅六月事

翁姑色養備至翁姑抱病奉湯藥衣不解帶及歿殯



葬盡禮撫子成立歷節三十餘年

楊雲龍妻黃氏 雲龍故氏年二十四無翁姑伯叔等氏勤女紅撫孤卒年八十四

胡宗任妻龔氏 年十六歸宗任生子名自鏗二十

五歲夫故氏守節養葬翁姑撫子成名 旌  
陳昌富妻何氏 年二十四夫歿家貧備歷艱苦守節終身

李思來妻宋氏 生子一夫故守節終身  
曾文詢妻萬氏 詢歿年二十八撫孤守志教子其

昌入國學

敘州府志

卷三十八

列女

六

富順

潘遇佐妻龍氏 未嫁時割股救父龍文慰及歸遇

佐割股救姑俱獲愈平日克修婦職歷數十年不衰  
李仕修妻陳氏 武解元元戎祖母年二十歸仕修

生一子名璞甫三月夫歿氏治家嚴肅以禮法自持  
不出閨闈非至親子姪未嘗覲面養葬翁姑俱能如

禮子璞妻王氏年二十八生元戎三月璞歿氏依孀  
姑矢志教子甘貧紡織孝養不衰

張星侯妻郭氏 柔順恭慎事翁姑以孝著年八十  
四猶聞紡績聲

周渤妻王氏 舉人安仁女弟渤歿氏年二十三生



遺腹子桂林氏勤慎奉姑孤子多疾紡織調治至成立歷清節五十年卒

譙獻琦妻姜氏 年二十八獻琦歿遺一子雯始四歲時氏舅姑在堂家貧甘旨不缺延師課雯讀書舅姑相繼歿皆能如禮子雯貢成均歷節五十二年卒

陳峩妻皮氏 武庠報國母年二十二夫歿事孀姑勤慎備至教子成名

蕭友伯妻楊氏 武庠文舉母年十八適友伯二十四夫歿衣食恒艱云早夜經營翁姑養葬皆能如禮育子成名三十三年清苦如一

監生范甲先妻萬氏 年二十七甲先歿遺子恒煜甫七日矢志守子延師課讀恒煜入庠保守先業

監生曾其昌妻萬氏 庠生穀仕母年二十適其昌六年其昌歿撫孤守志事孀姑克盡婦職教子入庠

監生張經妻彭氏 年十八適經二年經歿無子氏為經立繼守志子其任成立娶妻舒氏三年生子準其任亦歿舒氏同姑共守孤勵節

劉士宏妻王氏 舉人宏仁女適劉數月夫歿年方十七無出守志不渝

李芝劉節婦詩

相從半載慟離鸞百歲同歸性所安  
有母正憐夫命促無兒甯計妾身單



三春苦雨飛花隕五夜孤燈照鬢殘  
惟眇青青坐上柏向人霜後色愈丹

鄒士渾妻王氏 乳名十姑適榮縣鄒士渾五年夫

歿家貧紡績自度撫孤成室旋歿復撫孫艱辛備歷

劉採妻盧氏 楊師文妻羅氏

並入祠祀  
據段志補

監生張錫書妻夏氏 年二十二夫歿生遺腹子家

貧氏奉姑教子皆織紉所積歷節三十八年

鄒士寬妻李氏 孝廉九畹女年十八適榮邑鄒士

寬踰年士寬卒貧無所依歸母家守節卒年六十六

王含妻李氏 年十九適含二十三含歿無子家貧

傭線自給晚依母弟李濂苦志守節

敘州府志

卷三十八

列女

三

富順  
川文

廩生李莢妻尤氏 莢歿氏年二十四無子守節立

繼嗣子長泰入庠補餼

李英妻王氏 二十歲歸英二年英歿無子為英立

嗣教子長謨入庠守節三十四年

李則賢妻倪氏 年二十七夫故遺二子貧困無產

復值荒歉艱辛育子成立卒年五十二

榮縣黃國權妻李氏 年二十三夫歿守節三十五

年

錢洵妻胡氏 年十九歸洵越二年生子安貴洵卒

守節六十二年邑紳等公舉氏十九于歸甫踰二載



廿年勵志履潔終身婦職而修子儀承歡不匱慈母而兼嚴父訓課堪師

生員錢汭妻張氏 武舉瑞鳳孫女年二十九汭歿

二子安敦安秩俱幼家貧氏守清苦教子俱入庠

彭鏞妻胡氏 彭鑰妻郭氏 彭鈇妻張氏 胡氏

生員旭女年二十八鏞歿養翁姑及葬皆能成禮撫

三子成就守節四十六年郭氏生員楚女鑰故氏年

二十七守節安貧撫子湘成立張氏武舉瑞鳳女十

九歲適鈇四年鈇歿孤子潮甫生三月氏守志養翁

姑撫孤入國學歷節三十七年 段玉裁曰彭氏三

敘州府志

卷三十八

列女

三

富順

婦俱以節稱雖其所遭不幸然皆錯節不渝完貞白首方之古稱鍾郝似尤難焉不可謂非閭里之光也詹獻禮妻高氏 年二十一獻禮歿遺一子世祥氏歷辛辛苦養葬翁姑撫孤子成立歷五十四年卒年七十五孫澤融中乾隆丁卯科武舉

廖介英妻張氏 年二十四介英歿撫二子歷節四十年

生員汪天海妻徐氏 貢生徐璠女天海家貧氏歸

日勤女紅以養翁姑翁嘗病篤氏焚香夜祝願自減

壽以益翁年姑胡氏病危氏剖股和藥以進姑病旋



愈年五十三卒天海不復繼娶蓋不忘其孝云

劉廷應妻藍氏 年二十三夫歿子啟鵬甫二歲氏能養舅姑殯葬撫孤成立

王訥仁妻倪氏 威遠縣人運使象愷堂妹年十九適王訥仁二年訥仁故家貧無子氏刺針自給爲訥仁立後矢志終身

邱琮妻王氏 年二十四夫歿有強之嫁者弗能奪也苦節自守年逾六十卒

吳志清妻王氏 生員璧潘女年十八適榮邑廩生吳志清越四載志清故無後氏苦節勉教夫弟志濬

敘州府志

卷三十八

列女

三

富順

成恩貢志浩補廩濬浩繼歿氏與姊黃氏袁氏同撫猶子兆祥兆麟成立立兆祥之子爲夫孫

張聯登妻羅氏 生員習芝女年二十二夫病篤氏脫簪珥藥救不愈遂誓志冰霜苦志紡績撫子珏瑤最得舅姑歡葬舅姑以禮繼子亡又撫孤孫三勤讀大緒成廩生苦節五十六載

蕭永和妻徐氏 年十九歸永和三年生子蒂歆永和歿氏性貞順翁浥謁選京邸病故氏哀叩至親扶櫬回里安厝皆女工所積教子有法三世同居爲鄰里所欽服年八十一 旌



監生王瑤妻徐氏 十九歲適瑤生一子瑤歿氏年二十七家貧紡績事姑十三年姑甚憐愛姑歿葬祭皆十指所積撫子成立年六十九 旌

張思綸妻馮氏 年十八歸思綸越三年思綸歿遺一女家貧親族謀再嫁之氏以死誓乃止爲夫立嗣名我肇生二子亦早歿氏撫二孫紡績營度

萬世槐妻李氏 年二十二夫歿無子孤貧無歸依母弟于釗刺針自給終身

廩生王漢冲妻汪氏 年二十四夫歿守貞撫子福臨

敘州府志

卷三十八

列女

三

富順

生員王訖仁妻黃氏 榮縣人莊浪令黃松女年二十歸訖仁次年生子道純訖仁抱病家貧無藥資氏脫簪延醫叩天求代訖仁歿慟不欲生以翁姑年老道純待撫矢志守節後翁姑卒喪葬塋兆皆紡績所積課道純入庠

王暲妻陳氏 二十二歲暲歿孤子勲仁甫一月氏無所依勤女紅撫子成立

張思敏妻劉氏 二十一歸思敏思敏故子成之甫二齡撫育成立見孫德榮登賢書卒年八十二

周樹理妻洪氏 年二十三夫歿無子矢志不移立



嗣者再俱不壽又謀立族子爲夫延嗣 段玉裁曰  
予纂富順志於節烈三致意焉蓋以其從一而終常  
變不渝固已難矣又或門衰祚薄前後無依卒能矢  
志終身歷困抑屯澶而不易其節尤爲君子所難其  
得邀旌典者庶可以慰其幽魂矣而僻居荒壤不能  
盡達於有司則雖負荃蕙芳蘭之姿淪於蔓草終歸  
湮沒尤爲可憫故嘗悉心諮採續入者得數十人雖  
事有詳畧亦皆於例有合者可謂盛矣嗚呼人世遭  
遇順逆何常而一綫幾希賴以勿替固闡闡盛軌也  
而

敘州府志

卷三十八

列女

富順

富順

朝廷風教所訖無遠弗届不尤其較著哉以上並舊縣志

張其轍妻羅氏 年二十五夫故氏上承翁姑下撫

幼子五江成立入庠嘉慶二十年建坊卒年七十有

五

王德輝妻陳氏 年二十一夫故無子時氏夫叔弟

德遠年甫二歲氏上事翁姑下撫叔弟守節二十八

年始繼叔弟之子楠爲嗣年六十四 旌表建坊

何女 內江何學臣女許聘富邑吳哲先婚有期矣

哲先溺水死女聞痛悼欲往哭奠父不聽乘間自縊

家人解救而蘇越數日防閑稍疏沐浴更衣自縊於



樓上顏色如生惟目不瞑

武舉王泳仁妾宋氏 十五歸泳仁閱三年生子二

泳仁卒矢志撫孤成立處嫡庶間毫無間言年四十

五歿 旌表建坊入祠

趙如鵬妻郭氏 年二十四夫卒翁姑俱六十餘遺

子玉綱方五月氏事親撫孤守節四十六年 旌表

建坊入祠

唐子思妻張氏 年二十三夫歿氏事翁極孝教子

至嚴歷事五姑承順如一待繼姑所出兩弟恩勤兼

至守節三十年

敘州府志

卷三十八

列女

五

富順

張學源妻田氏 內江訓導鴻翔女十八于歸甫生

一女而夫病故氏貞操自矢撫同宗姪太祿以承夫

嗣守節四十年 旌

劉祿陞妻柳氏 年二十五夫故氏貞節自持言笑

不苟奉翁姑極孝姑病經年氏侍湯藥左右扶持未

嘗廢離撫子永清成立守節五十九年

張鉞妻黃氏 年二十夫故氏孝事翁姑及歿葬祭

盡禮撫遺腹子成立現年六十五歲

監生張錫圖妻王氏 夫亡時氏年二十八歲思以

身殉念姑老子幼因清白自守勤織紉以爲仰事俯



育及姑卒喪葬盡禮子長援例入國子監守節四十三年入祠

生員周紹濂妻汪氏 十七適周事繼姑極盡婦道紹濂病劇時氏以死自誓濂慰之曰相從地下固亦好事其若藐諸孤何氏自是不敢言死濂歿後撫二子至於成人復命子樹柏與堂姪樹斌建立宗祠不惜資助壽八十有二

拔貢李萃妻黃氏 榮縣舉人黃松女年二十歸萃萃赴朝考卒於京氏聞訃誓不獨生左右以姑老弟幼夫嗣未立爲勸始節哀佐姑治家姑病割股瘳疾

敘州府志

卷三十八

列女

三

富順

後姑歿悲哀葬祭如禮夫弟藝舉長子世綸卽承夫祧訓子姪嚴慈交濟嘉慶元年 旌

彭爲先妻胡氏 夫亡時二十八歲守節三十八年公舉有忍淚奉姑傷心教子準孝爲慈巾幘居然男子以冠易笄仕宦應作忠臣之句

李兆鳳妻李氏 年二十四夫歿無子與弟婦王氏矢志守貞越十二年始抱夫堂弟子爲嗣乾隆五十四年題 旌八十四歲乃卒

監生李兆端妻王氏 年二十夫歿矢志守貞終身編素孝事翁姑養葬盡禮年四十七始繼從姪陳勳



以承夫嗣嘉慶十六年 旌

知縣倪存謨妾方氏 朱氏 存謨任安徽英山知縣以事發伊犁二氏相隨並無嫌怨乾隆五十四年存謨歿煢無親屬棺衾莫辦氏數日哀號期以死報將軍寮案爲之感動釀金資助氏扶柩回川經哈密巴里坤烏魯木齊甘肅陝西萬里之遙艱辛備歷及扶柩至富順東關外謂嫡子云我二人所以不死於伊犁者懼故主遺骸拋塞外耳今大事已備可從故主於地下言罷攜手投河爲嫡子救免歸家不食者累日里黨聞之莫不慘然前署令王夢庚以遁室雙

清匾額贈之

王極妻黃氏 年二十三夫歿無子矢志守貞越二十八年始撫姪朝煒以承夫嗣卒年六十四歲

陳世卿妻朱氏 陳在邦妻余氏 陳在德妻王氏

朱氏生子在邦在德而夫歿氏年二十九事姑撫子苦節四十四年卒余氏年二十八夫故無嗣因立弟子緒義爲夫後現歷節四十三年王氏因嫂余氏無子以緒義承祧夫亡氏年二十九與嫂同事孀姑克盡婦道教子由義裁義俾之成人守節三十六年 蔡瓊妻李氏 蔡爲敬妻郭氏 李適瓊六載瓊歿



氏以守貞誓撫本支爲敬承繼歷節五十六年卒年八十有一郭年二十八夫卒僅存二女抱子應昌承祧艱苦備嘗卒年七十二歲邑令王夢庚贈冰霜繼烈訓導黃秀和給以雙節流芳匾額嘉慶二十五年旌

劉天秀妻胡氏 年十九適天秀半載夫歿氏時有娠彌月生子氏事翁姑克盡婦道撫孤子能盡母儀翁姑繼歿歸依母家永矢冰操現年五十二歲

伍巽湯妻劉氏 年二十六夫歿子尙在襁氏矢志撫孤松筠是凜守節三十八年

敘州府志

卷三十八

列女

三

富順

監生劉誠耀妻曹氏 年十八適耀生二子夫病篤氏焚香告祝割股和藥以進病稍瘥越一月歿氏年二十七事舅姑養葬盡禮教子金鑑入國學守節已三十七年

羅朝亮妻吳氏 年二十三夫故子世英甫五月家貧勤於紡績敬事翁姑養育幼子卒年五十八歲

劉繼忠妻袁氏 于歸時年十八撫前室女如己出二十六夫歿生一子又殤氏上事翁姑俯畜幼女無慚婦道旋撫姪孫光廷爲孫甫生一曾孫而光廷又卒氏蒼顏皓首猶辛勤撫孤以承先緒現年六十歲



謝振漢妻廖氏 年二十一夫歿姑老家貧遺孤幼弱氏勤紡績以供甘旨教子嗣以事詩書現年五十七歲

貢生鄧德樞妻李氏 現年五十八歲守節三十七年夫卒時翁姑年老無子撫姪光曙爲嗣克盡婦道氏父母老三子皆故氏迎養終身隣里莫不稱其節孝

饒朝陞妻童氏 年二十九夫故零丁孤苦貞潔自持撫子成立守節三十六年

生員陳愷妻朱氏 年二十三夫故遺一女慟不欲

敘州府志

卷三十八

列女

五

富順

生姑以氏有娠勸令撫女圖嗣乃食後生子撫之成人事翁姑極孝女長適人亦年少而寡氏以女幼無依命抱姪承嗣移宅同居以全女節現年六十四歲林子昭妻游氏 年二十八喪夫撫伯嫂一女亦歿翁姑憐其苦志爲抱一子承繼氏撫子養親備極辛勤現年五十八歲

陳榮謙妻胡氏 胡自林女年二十七夫歿守節現年八十三歲

生員唐嵩靈妻蕭氏 年二十五夫故氏事姑孝教子入庠守節已三十四年



歐陽朝海妻周氏 年二十三夫卒遺二子氏勤紡績上事翁姑下教幼子守節已三十二年

陸朝卿妻黃氏 年二十一夫歿子士賢甫三歲姑老家貧氏訪績以供饘粥守節已三十八年

毛其祥妻郭氏 年二十一夫故生遺腹子啟福撫之成立事翁姑克盡孝道守節已五十五年

丁榮考妻李氏 丁榮祧妻胡氏 李生子培年二十七夫歿哀痛欲絕矢志守貞胡生子壘年二十五夫歿與嫂共以冰霜勵節奉養翁姑訓子以耕讀爲業家計漸裕李氏現年六十二胡氏現年六十

敘州府志

卷三十八

列女

三

富順

謝廷笏妻余氏 年二十八夫故無子氏守貞自矢撫伯兄之子爲嗣守節三十年

戴仕義妻王氏 年二十六夫歿氏願以身殉姊姒婉諭乃止時翁姑年邁奉事甘旨必得歡心其子洪川方二歲撫之成立入國學氏壽六十七

張玉琪妻羅氏 拔貢羅綵女年二十九夫歿養葬舅姑俱能盡禮教子鵬翰領鄉薦現年八十歲

監生王汝桷妻余氏 武舉澤極女適汝桷九載生二子賜富賜貴汝桷歿氏年二十七矢志守節歷五十二年卒



洪安國妻胡氏 年二十八夫卒遺子聯星甫六歲  
矢志守節教子成立入成均孫自南入明經守節六  
十一年卒

陳璿妻徐氏 十七歲歸璿乾隆二十二年生子維  
中甫一歲璿故氏辛勤撫子成立及子歿復撫四孫  
並一曾孫歷節六十四年

陳維精妻胡氏 年二十四夫歿撫遺腹子成立時  
翁姑在堂氏竭誠奉養無間寒暑歷節已三十四載  
陳明爵妻趙氏 生員朝典祖母年二十五夫歿遺  
子元仙氏善事翁姑生事死葬引爲己任卒年五十

敘州府志

卷三十八

列女

三

富順

有三

廩生金鳴豫妻李氏 年二十七夫歿遺一子丹選  
甫五歲辛勤撫育奉事翁姑現年五十八歲

廩生蕭上歆妻王氏 封宣武都騎尉端笏女年二  
十七夫故遺子二純茂菽圃氏代夫事翁極誠姑廬  
氏早世事繼姑王氏數十年如一日以子茂圃封安  
人守節四十三年 旌表建坊

鄒天溶妻鄭氏 鄒文選妻劉氏 鄭氏貢生世龍  
女年二十五夫故子文選幼弱翁姑勸其他適氏以  
守自誓及子長娶劉氏生二孫而子歿劉氏年二十



四能體氏志堅操無異鄭守節三十六年卒劉守節  
已三十八年

李時寅妻戴氏 十九子歸生二子而夫故時氏年  
二十四姑病臥床十二年氏背負盥櫛不假人手姑  
歿殯葬盡禮歷節三十有六年

林應宗妻張氏 生子興蘭而夫故時年二十八歲  
矢志撫孤苦節已四十八年

生員郭奇齡妻萬氏 貢生萬煥女年二十八夫卒  
氏哀痛絕粒願以身殉時當身娠四月姑慰云遺腹  
可待以撫乃食屆月生子純孝養以成立課讀尤嚴

敘州府志

卷三十八

列女

三

富順

後姑歿哭泣愈哀殯葬如禮歷節三十一年

郭德修妻楊氏 年二十一夫卒子亦殤氏立志守  
節撫胞姪光曦以爲己子入泮歷節四十年

監生張永堂妻鄧氏 年二十夫病疾謂氏曰父母  
年老又無子嗣奈何氏以撫子立節誓夫歿孝養愈  
篤紡績尤勤後撫二子俱夭人勸以無容再繼氏以  
不繼則夫不血食後撫堂姪和信爲子苦節五十五  
年卒

監生涂會武妻匡氏 年二十四夫故子君相甫兩  
月氏事姑孝謹撫子成立歷節三十一年



楊芳名妻尤氏 內江庠生尤御女年二十二夫卒  
生子新武柏舟自矢事翁姑尤竭誠敬姑歿後事繼  
姑王氏孝養如前教子義方謹遵家範守節三十七  
年

劉廷璪妻宋氏 年二十七夫故遺子三矢志養姑  
撫子守節三十三年現年六十歲

匡道仁妻馬氏 年二十四夫歿家極貧翁姑與父  
母勸令改適氏矢不二勤紡績奉翁姑撫二子成立  
守節三十六年現年六十一歲

項錞妻劉氏 項雲龍妻王氏 劉氏年二十四夫

敘州府志

卷三十八

列女

三

富順

故遺一子雲龍氏矢志撫孤成立卒年五十五王氏  
年二十適雲龍亦生一子寅恭雲龍故氏年二十五  
養葬孀姑備盡孝道兩世孤丁一門雙節氏現年七  
十二

監生彭臣輔妻陳氏 年三十夫故子廣甯甫三歲  
氏矢志撫孤節堅金石卒年八十歲守節四十九年  
倪以權妻蔡氏 年十七適以權未逾年夫故無子  
繼伯以松之次子承祧歷節五十九年現年七十六  
監生王燮妻劉氏 年二十歸燮甫二載生一子名  
惟志燮故族間利其產又欺其孤弱欲奪志逼嫁氏



剪髮毀容之死靡他苦守遺孤勤劬備歷子惟志入  
太學孫潺仁漾仁雲仁曾孫榮義俱入邑庠氏猶及  
見之壽八十四歷節六十二年

張永奇妻陳氏 年二十八夫歿氏期以身殉因勸  
以姑老子幼乃止時家甚窮氏紡績自給上奉姑下  
教子歷節三十六年現年六十四歲

廩生汪有棠妻武氏 年十六歸有棠孝事翁姑夫  
病刲股和藥以救及夫卒氏年二十四立節撫子成  
室子媳歿又撫孫成立歷節三十六載現年六十歲  
陳良志妻劉氏 年二十四夫歿矢志守節勤紡績

敘州府志

卷三十八

列女

三

富順

以事舅姑家居城市不苟出戶現年六十二歲

鄧德宜妻陳氏 年二十一夫故遺子三歲撫之成  
立事舅姑極孝歷節三十三年卒年五十四歲

陳元仁妻鄧氏 知縣家燕女十五歸元仁甫七月  
仁回蜀應試病卒氏在楚聞訃哀痛欲絕念青年喪  
偶兼膝下無子恐有欲奪其志遂操刀截指以誓從  
一而終撫姪振賢以承夫嗣事翁姑盡道及歿殯葬

如禮

元和顧聲雷頌

芝蘭生空谷芙蓉出清池賦性自芳  
潔超然異凡姿正氣清行不淪滅幽

闡往往著奇節事經眼見始確真不似傳聞口碑說  
南陽之子深閨賢夙秉母教鮮尤愆十五歸為穎川



婦五更相續鷄鳴篇良人志切青雲器蜀道迢迢歸  
應試秋風鴻雁夢魂驚一朝忽地哀音至吞聲泣向  
高堂親遠念姑嫜違晨昏呱呱遺孤雖非子猶是陳  
門一點存含悲忍淚度朝夕飲恨綿綿何時歇蹉跎  
竊恐有煩言決意赴義指濺血吁嗟乎結縈半載失  
所天生離竟成死別年人間地下兩隔絕白日黃泉  
已承訣區區矢志柏舟堅海枯石爛名不滅九泉含  
笑歸魂魄碧血淋漓鏡台側董氏髮包婦耳千古相  
看同此指未亡人念已死真白不愧古女  
子冤禽恨竹氣不沒不二之心皎如月

張先優妻蕭氏 結縈八載生二子夫歿矢志守節

事親撫子歷節四十三年

曾鏞妻舒氏 年二十八夫故家貧以紡績爲生後

家計漸裕上事翁姑得其歡心下撫孤子成立卒年

六十有二

敘州府志

卷三十八

列女

三

富順

王清蕙妻汪氏 年二十五夫歿無出繼子以承宗

祧撫至廿載與媳俱妖復撫胞姪王余彬承嗣生五

子後諸孫相繼妖氏以命自安年八十坊表又五載

卒歷節六十年

蔡居文妻尹氏 寄籍富邑年二十四夫病篤謂氏

曰吾母遠居江西遺弟尙幼奈何氏誓迎姑撫子及

歿氏殯葬畢適夫仲弟來川氏卽遣迎母及幼弟同

居共養撫子成立歷節三十一年

朱銀澗妻萬氏 年二十九夫歿堅貞守志克勤紡

績上奉舅姑甘旨下撫孤子壽麟成立後家漸裕族



中貧乏多受其澤卒年五十三歲

聶萬湛妻張氏 年二十四夫故生子甫八月氏矢志撫子孝事翁姑守節已三十八年

許其綾妻羅氏 年二十四夫故無出卽向父兄其綸泣懇次子光旰爲夫後綸卽於喪次以旰付之見者莫不揮淚守節三十一年

周蔣氏 周成禮母二十七守節至八十餘歲

廖富恒妻楊氏 年二十八夫故事姑教子禮法自閉歿年六十三歲

羅洪泰妻汪氏 年二十八夫故遺子一氏撫子成

敘州府志

卷三十八

列女

三

富順

立事姑盡禮歷節已三十一年

劉元義妻陸氏 年十九適元義義病割股和藥以進及歿氏年二十四歲撫遺孤鳳舞甘貧守節歷節已四十六年

張紹容妻包氏 年二十一夫歿遺子夏謨氏矢志守貞事姑撫子姑歿氏終日痛泣抱病卒里黨哀之生員劉廷璿妻彭氏 年二十八夫故事翁姑養葬如禮教子煜入文庠苦節已四十二年

李光華妻蔣氏 年二十五夫故生一子氏撫子事姑守節已四十二年



李光富妻王氏 年二十一夫故撫子守節現年六十六歲

陶世宗妻田氏 年二十四夫故子文智生甫五月氏矢志守節白首如一現年七十六歲

張廷彥妻胡氏 年二十七夫歿氏事孀姑盡禮撫孤子成立守節已三十六年

劉國祥妻李氏 年二十六夫歿氏勤紡績冰操永矢撫育二子成立歷節四十年卒

倪世棟妻鄧氏 年二十三夫故事孀姑養葬盡禮撫孤子訓以義方歷節已三十二年

敘州府志

卷三十八

列女

三

富順

徐志政妻胡氏 年二十八夫故遺二子家極貧勤

紡績以供甘旨舅姑繼歿殯葬如禮現年七十九歲

陳明敦妻程氏 年二十九夫故事翁姑死生盡禮

教三子家範克端氏尤好施濟歷節五十九年卒

王聖顯妻楊氏 年二十六夫歿矢志守節上事翁

姑下撫孤子艱辛備嘗現年六十三歲

陸儒崑妻鄒氏 年二十八夫歿遺一子勤紡績撫

孤成立家範維嚴節操永矢現年七十二歲

林開萬妻羅氏 年二十八夫故矢志撫孤成室子

妖遺一孫復撫成立旋又殤更抱胞姪以承夫嗣現



年七十歲

林應富妻廖氏 年二十四夫歿矢志守節撫子

成立卒年七十八歲歷節五十四年

賴興福妻林氏 年二十六夫故矢志守節撫孤家

貧紡績自給現年七十歲歷節四十四年

關九榮妻金氏 年二十六夫故矢志冰霜事親克

盡婦道教子有方現年八十一歲歷節五十五年

鄧希皇妻何氏 年二十三夫故欲以身殉念有遺

腹矢志苦守逾月生男教育成立卒年八十三歲

監生舒文華妻項氏 千總正綱母年二十八夫故

敘州府志

卷三十八

列女

三

富順

冰操自矢奉親盡孝教子成名現年八十二歲

陳環妻鄭氏 年二十七夫故一子生甫六月矢志

守節奉親撫子備極艱辛現年六十八歲

謝君佐妻袁氏 年十八歸佐生一子前配遺二子

氏撫育如己出年二十九夫歿矢志冰霜教子成立

現年六十四歲

陳朝隣妻劉氏 年二十三夫歿堅志守節現年六

十四歲歷節三十九年

徐文彩妻張氏 年十七歸文彩生子四夫歿氏年

二十五歲矢志冰操歷節四十六年



郭咸瑄妻李氏 年二十六夫故矢志守節撫子成立守節三十年現年五十六歲

晏玠妻田氏 年二十七玠歿遺二子時翁在堂奉養倍至家極貧勤紡績撫子成立歷節二十二年卒  
何正榜妻徐氏 年十九夫歿無子矢志守節繼夫兄子承祧撫十四歲歿繼撫夫弟子撫十七歲又歿  
貞操不渝仍謀抱子以終其願現年五十歲

鄒錫齡妻趙氏 年二十夫故矢志冰霜奉翁撫子現年五十二歲歷節三十二年

敘州府志 卷三十八 列女  
富順 川 8 1  
曾旭梁妻易氏 年二十八夫故奉事翁姑養葬盡禮撫子德瑄成室德瑄歿遺一孫與媳鍾氏共撫現年五十八歲

王汝榮妻黃氏 年二十八夫歿無子繼夫兄次子為嗣以綿夫祀歷節三十六年卒年六十三歲

張永燠妻劉氏 年二十三夫故上事翁姑下撫孤子皆憑紡績以自給親歿葬祭盡禮子和弄既娶旋卒復撫孤孫歷節五十六年卒

錢必榮妻彭氏 二十九歲榮故無嗣氏撫夫弟之子能超為子教之入泮卒年六十三歲

監生陶瓊妻張氏 武舉瑞鳳孫女年三十八夫故



一子甫二歲事姑盡孝撫子成立現年六十八歲  
劉建信妻趙氏 年二十一夫故矢志守節事翁姑  
竭孝道撫孤子光才成立娶媳陳氏光才又亡遺一  
孫邦瑞其媳陳氏年二十四歲體姑志撫育孤子奉  
事孀姑四十餘年克盡孝道趙氏守節五十三年卒  
陳氏現年七十三歲

向德潮妻黃氏 年二十一夫歿遺二女上奉孀姑  
下撫幼女雖無子承祀終身矢志不二現年五十四  
歲

蕭應祖妻劉氏 年二十一夫故有遺腹子氏矢志

敘州府志

卷三十八

列女

早

富順  
川文川

冰霜奉姑撫子歷節三十九年現年六十歲

監生陳珩妻張氏 舉人德榮妹年三十夫歿氏矢  
志守節奉事翁姑色養惟謹撫教珩原配所遺二子  
成立現年六十二歲

朱正亨妻蘇氏 年二十五夫歿氏撫遺孤映陽成  
立事翁姑克盡孝道現年五十七歲

舒鳳之妻劉氏 年二十五夫歿氏矢志冰操螟蛉  
以承夫嗣現年五十七歲

倪成甲妻萬氏 年二十三夫故子女俱無家貧紡  
績度日矢志柏舟現年七十九歲



劉忠沼妻官氏 年二十九夫歿遺一子良萱紡績度日苦撫成立冰操不易現年六十五歲

王師惠妻汪氏 年二十九夫故遺一子矢志冰霜翁姑繼歿喪葬如禮子又卒撫四孫成立現年七十歲

王中毅妻張氏 年二十三夫歿遺一女撫夫兄子懷綸爲嗣卒年七十六歲

許世達妻何氏 年二十五夫故家極貧勤紡績奉事翁姑撫育二子白首完貞現年六十七歲

李國樞妻涂氏 年二十五夫故矢志守節翁姑俱

敘州府志

卷三十八

列女

聖

富順

年七旬翁雙目瞽氏侍奉得其歡心及歿葬祭如禮教二子成立始終不怠現年五十七歲

郭紹禹妻張氏 年十七適紹禹生三子夫歿氏年二十八上事翁姑下撫幼子歷節五十年卒

楊錫福妻李氏 年二十二夫故勵節松筠撫子女成立現年五十二歲

生員李榮林妻劉氏 年二十八夫故矢志冰操撫子女成立現年五十九歲

李朝元妻曾氏 年二十一夫故遺二子衣食維艱氏不易所守終年紡績淡泊自安後一子長成亦克



樹立歷節五十年

曾錫盛妻王氏 年二十二夫故遺子祥隆甫一歲  
氏撫孤成立生孫七人祥隆歿又爲撫孫目及曾孫  
成立卒年九十二歲

王伸義妻馮氏 年二十四夫故遺子憲禮食貧苦  
守撫養成室子又卒更撫兩孫年七十乃卒

戴克紹妻王氏 年二十一夫故撫遺腹子壽文成  
立姑謝氏病甚氏割股和湯進之遂愈歷節五十三  
年卒

王崑義妻漆氏 年二十于歸崑義甫七月夫故以  
姑老待養不離寢處後兄嫂皆歿撫姪坤禮成立爲  
之聘娶及姑歿盡哀盡志卒年七十七歲

李長廸妻王氏 年十九夫卒逾六月生一女後夫  
兄生子珍氏卽撫爲己子撫養成立姑患癱病臥起  
必經氏歷久不倦姑卒哀毀逾人年六十有二小心  
謹慎雖親戚往來不易見也

楊恪妻王氏 年二十五夫故食貧勤苦奉翁姑生  
事死葬與叔分任撫子朝震成立終身貧困無怨卒  
年五十八歷節三十三年

王尙義妻李氏 年二十三而寡撫子健禮成立孀



居五十六年卒年七十九歲

王新義妻金氏 年二十三夫故遺一子占禮氏撫孤成室越數年子媳繼亡惟有兩孫氏年七十有六猶康強不衰云

王乾義妻蕭氏 年三十夫故僅存一女氏痛夫不祀乃繼夫胞弟子泳禮承祀現年八十八歲

生員王作霖妻賀氏 監生王相禮妻楊氏 監生王鴻儒妻何氏 賀氏年二十八夫歿撫孤子恪入邑庠苦節四十二年卒年七十一歲楊氏恪長子相禮妻年二十三夫故無子守節五十二年卒年六十

敘州府志

卷三十八

列女

聖

富順

有六何氏恪次子鴻儒妻年二十二夫歿生子睿智甫四歲祖母與舅姑在堂偕嫂楊氏同志撫孤後祖母舅姑妯娌養葬皆氏任之盡哀盡志備歷艱辛卒年八十歲乾隆五十五年 旌表建坊入祠

武生王國甯妻喻氏 年三十夫故二子俱稚氏上奉翁姑下撫二子成立現年八十一歲

楊存德妻王氏 年二十一夫故遺子茂蘭逾三月生遺腹子孝蘭氏食貧苦守夫叔某意欲奪其志氏驚駭回母家依父母撫二子婚娶備始歸現年七十五歲



王福臨妻蕭氏 年二十五夫歿撫孤子廷煥旋天

家貧針刺度日與弟媳鄒氏共事孀姑年六十餘

王乾臨妻鄒氏 年二十一夫歿遺子廷瑞與姒蕭

氏共相撫育以至成立年過六十

監生王文元妻萬氏 年十九夫故遺子朝棟氏矢

志守節撫孤成立現年六十歲

李則韶妻王氏 年二十三夫卒遺孤時達時茂氏

撫之成立俱早喪又撫孫運昇建昇歷節五十年

周天錫妻王氏 潼川教授惟允女年三十夫故子

學濂甫四歲氏辛苦撫孤成立現年六十歲

敘州府志

卷三十八

列女

富順

富順

生員王元肱妻李氏 年二十二夫故矢志靡他卒

年七十七歲歷節五十六年

王崇禮妻汪氏 年二十六夫歿遺子鼎智甫一歲

氏堅志撫孤克敦婦職現年七十歲

王惠禮妻鄭氏 年二十九夫歿與嫂汪氏同志堅

守孝事翁姑撫四子成立現年六十七歲

楊元伯妻王氏 年三十夫歿撫子如春茂春成立

辛苦備歷二子皆入國學現年八十歲

李長世妻熊氏 年二十二夫故子若麟甫一歲氏

撫子成立苦節五十四年



李永華妻吳氏 年二十九夫歿遺二子榮武相武家貧歸依兄兆祥苦節自甘撫子成立現年六十歲  
李徹元妻萬氏 夫歿遺孤正農歲方週氏養翁姑撫孤子喪葬婚姻備極勤勞約束正農甚嚴守節五十年卒

生員李時菁妻鄒氏 夫卒無子氏繼嗣元昇守貞自立現年六十有三

監生曾世昌妻李氏 年二十適世昌越數年世昌歿遺子國瑞甫四歲氏撫養成立卒年五十八歲

謝治國妻李氏 年二十夫歿子復歿氏守節二十

敘州府志

卷三十八

列女

聖

富順

一年卒年四十一

楊成章妻李氏 年十八夫歿無子歸依母家勤紡績自給撫幼女成人守節四十八年

王達禮妻李氏 年二十六夫歿無子矢志守節親戚有欲奪其志者氏剪髮自誓繼夫弟子錫智爲嗣撫養成立守節三十三年

王瑞麟妻謝氏 善事祖母克順姑心適祖母病篤割股啖之卽愈後姑病氏仍割股和藥姑病亦瘳後祖母八十一姑壽六旬始卒人稱孝感

傅光堯妻朱氏 見姑病篤齋素祈神割股以進姑



病卽愈人咸稱爲孝感

生員鄧思禹妻張氏 姑病氏割股和藥以療姑疾其孝行蓋天性也里黨稱之

王賜貴妻萬氏 奉孀姑極孝姑有暴疾氏焚香祝告願以身代旣而割股以進始愈姑壽八十一卒

監生劉宏剛妻孔氏 事祖母翁姑極承順姑王氏病篤氏割股和藥以進祖母察其有異訊之氏終不言但垂泣而已未一月王氏竟歿氏亦憤激飲食漸廢不數月亦卒年二十一歲邑人王學禮有孝婦傳李相武妻梁氏 姑吳氏病急割股和藥以救遂愈

敘州府志

卷三十八

列女

吳

富順

王能仁妻楊氏 姑病割股和藥以進病旋愈

生員王學渠妻倪氏 教諭丙樞女年十五歸學渠渠之郡試翁病篤屢藥不效氏倉皇無計私割股和藥以進病竟愈是歲以產後瘡發人始知之卒年二十歲

十歲

知縣李世綬妻曹氏 勤操井臼善體姑意姑素羸弱凡食息起居呼吸時爲厯念姑病篤氏割股和藥姑病得痊庚申秋氏卒姑亦憂鬱而終

監生范成册妻李氏 温恭謹慎得翁姑歡翁病篤服藥不效氏割股和藥以進翁病卽愈後姑卒氏哀



毀成疾不數年亦歿

李寶涵妻鄒氏 翁病劇醫遠不能致氏割股和藥以進病愈次年姑謝氏病氏又割股亦愈後三年氏歿年二十二歲

李祥武妻賀氏 事舅姑以孝姑吳氏病篤氏割股以救姑病果愈氏越七年卒

貢生劉元明妻王氏 事翁姑及祖父母小心勤慎姑嘗患病奉兩世甘旨親侍湯藥鄉里欽其孝敬

朱棟麟妻楊氏 性仁孝事祖母翁姑俱得歡心翁衰患欬病氏侍湯藥數年不懈及歿盡哀盡禮事姑

敘州府志

卷三十八

列女

四

富順

亦如之子斗南旋成進士人咸以孝感所致

鄧光學妻林氏 年十七適光學五月光學歿無嗣撫伯子以承夫祧現年四十四歲歷節二十七年

王長春妻金氏 年二十歸長春生一子夫病篤焚香告天割股和藥以進越三月夫歿事親極孝教子極嚴歷節二十六年現年四十六歲

鍾質文妻陳氏 年二十三夫歿氏堅貞矢志勤紡績以奉姑繼嗣子以承祧

袁明舉妻李氏 年二十六夫歿氏撫子超教之成立入武庠現年五十二歲



王汝鴻妻張氏 年二十二夫歿無出以夫兄子承嗣奉翁姑甚得歡心姑年九十歲凡飲食動履皆氏扶持現年五十一歲

邱女 邱洪海女許字丁本及將婚丁忽不知所之越八年本父謂洪海吾兒已死女當別適洪海欲爲女擇婿女不可謂父曰丁旣死女必不更適人迨媒灼來女遂自縊幸救免女依父四十三年父卒依弟二十一年其家雖欠豐裕女勤紡績自給終身如一林女 林思容女自幼許李某未及婚而李遷去历年無音家人勸其他適女誓不從守貞六十一年

敘州府志

卷三十八

列女

哭

富順

李女 李永秩女年十六其母吳氏病篤割股和藥以進母卒不起越數月父病復割股救之父亦旋逝女哀慟不食六七日人皆憐其孝云

楊女 楊旭女幼字李世恩世恩死父欲另嫁氏懷刃自隨乃適世恩家奉姑孝謹持家勤慎針黹以給日用未幾卒無以葬族眾義之醵金以葬

監生李富芳妻張氏 年二十六夫歿矢志守節撫孤國相成立娶媳楊氏教孫監生光明庠生光睿光智成名歿年六十一歲

監生張玉龍妻陳氏 年二十一而寡卒年七十三



歲守節五十二年卒

董登元妻王氏 年二十六夫歿氏守節三十四年  
現年五十九歲

鄧光惠妻廖氏 年二十二夫歿無子矢志守節繼  
伯兄子為嗣旋妖伯兄又以季子嗣之氏撫愛如已  
出現年五十三歲

張居仁妻陳氏 年二十三居仁歿繼胞姪同楷為  
嗣現年五十七歲

王質妻張氏 年二十七夫故守節三十五年四世  
同堂

敘州府志

卷三十八

列女

巽

富順

監生柳迪和妻黃氏 榮縣武進士黃槐女年二十

五夫故氏矢志守節教子成名現年八十歲

榮爾祿妻徐氏 教諭文毅祖母生一子洪達夫遠  
歿氏年二十八苦志守節卒年五十三歲

蒲宗瀚妻韓氏 年二十六夫故遺一子玉富撫子  
成立現年八十歲

舒欲仁妻汪氏 年二十八夫故生二子彬林彤林  
氏矢志守節教子彬林入郡庠現年六十八歲

武生朱惠妻戴氏 年二十九夫故子能貴僅五歲  
氏撫子成室子亡氏復撫孫成立現年六十七歲



教諭王相仁妾顏氏 妻郭氏生三子郭早卒顏氏  
生一子濂義相仁卒於任氏年十八及歸里四壁蕭  
然嫡子因析爨顏氏以指代耕矢志撫孤濂義成室  
生一孫侯禮濂義又歿姑媳相矢撫孫而濂義婦李  
氏又歿祖孫二人更相爲命苦節支持至於成立又  
爲侯禮娶媳生子樅智現年五十八歲

監生羅九莖妻彭氏 歲貢遇觀女年二十夫故矢  
志守節現年五十一歲

郭正新妻喻氏 年二十八夫故子世文生甫十月  
氏矢志撫養至於成立現年六十二歲

敘州府志

卷三十八

列女

五

富順

曾唐材妻周氏 年二十六夫歿撫子廣萬成立已  
歷節四十五年

凌殿勳妻喻氏 庠生洪亮孫女年二十二夫卒矢  
志守節現年五十七歲

蕭謙妻李氏 威遠增生兆夔女年二十二夫故無  
子繼夫弟子孔書爲嗣已守節三十八年

監生王森智妻鄒氏 年十七歸森智翁得危疾氏  
割股和藥病旋愈年二十九而歿先是伯兄轟智妻  
李氏曾割股愈翁病鄒氏復然人稱雙孝婦云

陳興茂妻鄭氏 年二十二夫故子春元甫半歲矢



志守節已歷三十五年

鄭學武妻李氏 年二十六夫故已守節四十年

張大椿妻洪氏 年二十七夫故子振葵甫三歲守

節至今現年七十八歲媳周氏年十七歸振葵生一

子家聲振葵又故氏年二十六撫孤守節至今現年

五十四歲

田維棟妻張氏 年二十七夫故子甫五齡守節至

今現年八十歲

彭榮相妻王氏 年二十歸榮相生子天貴甫三月

榮相歿氏孝事舅姑撫育孤子現年七十七歲

敘州府志

卷三十八

列女

五

富順

王卉芳妻李氏 監生子元母年二十二夫故守節

七十二年現年九十四嘉慶二十五年 旌表建坊

榮爾朝妻朱氏 明布政芹曾孫女年二十八夫故

遺二子洪飛洪毓矢志守節五十四年而卒

王廷書妻張氏 年十九夫故矢志守節四十三年

現年六十二歲孫載璋廩生

張樸妻彭氏 年二十七夫故無子氏繼子學聰矢

志守節三十三年現年六十

王富智妻陳氏 年十八于歸未及半載而夫故矢

志守節撫胞弟次子順信爲嗣苦節三十四年卒



鄧泰純妻榮氏 年二十二夫歿氏繼夫兄子文富  
爲嗣己守志三十六年

彭世瑛妻史氏 年二十四甫生一子德明而夫歿  
撫孤成立己苦守三十一年

王兆龍妻鄒氏 年二十夫歿幸有遺孤恩勤撫育  
己歷節三十一年

監生羅孟泰妻倪氏 生子性仁孟泰故氏年二十  
四撫孤援例入太學性仁年二十五亦卒其妻喻氏

時年二十一撫遺孤榮義成立援例州同榮義長子  
宏華妻洪氏年十九而寡無子語人曰二祖母兩世

敘州府志

卷三十八

列女

五

富順

節操吾雖無子豈敢異志翁憐其苦志以次子光華  
始生之子過繼洪氏更名國棟倪苦節六十二年卒  
喻苦節三十五年卒洪己苦節十八年矣

洪安治妻郭氏 年二十六夫歿矢志守節至八十  
八歲而卒歷節六十二年

楊成瑄妻毛氏 年二十七夫故氏矢志撫子歷節  
三十四年卒道光二年 旌表建坊

鄭學琴妻劉氏 生員在邦姊年二十夫歿無子矢  
志守節撫夫兄學儒子爲嗣子復妖翁姑憐其孤苦  
暗與氏父母定議欲其再醮氏聞信卽欲赴水自盡



議遂寢越二年夫兄學易生次子時安氏翁乃命承繼學琴氏盡心撫養至成立苦節三十八年卒

漆家賢妻蔣氏 年十七夫故撫夫兄家伸次子為嗣及弟兄析產氏婉告於姑令己子與諸姪計口均分其廉讓為族隣所欽已歷節三十三年

監生劉國賓妻李氏 年二十三夫故遺一子正相氏上事下育歷節六十一年卒

廖斯鳳妻鄧氏 年二十一夫故無子撫胞兄四子存樟年甫半齡撫養成立上事翁姑色養兼全歷節五十七年卒

敘州府志 卷三十八

列女

五

富順

李文泰妻劉氏 年二十二夫故矢志冰操撫養成立現年五十五歲

張品輝妾黃氏 年二十三夫歿撫嫡子毓明並己子永奎永培俱成名卒年八十六歲道光元年 旌表入祠

表入祠

涂章順妻張氏 年二十一夫故子美玉甫三歲氏苦節撫美玉成室不數年子媳俱亡僅遺一孫秀元張氏又撫孤孫尙恐一孫不足倚恃復撫堂姪美桂為子教誨婚配甚於己出迄今諸孫林立氏現年七十歲

十歲



武生王世昌妻陳氏 廩生森禮母年二十三夫故  
守節撫子成名歷節四十一年道光五年 旌表建  
坊

徐鼎笏妻黃氏 年二十七夫故育遺腹子鳳儀成  
立生孫男三而子又亡氏復撫諸孫成立壽九十一  
歲

朱錫齡妻李氏 監生順年女年二十五夫故撫子  
自泰成立守節歷今三十四年

朱翠麟妻萬氏 監生萬焯女年二十夫故撫子自  
貴成立守節已三十年

張閏英 本生父黃明先母呂氏生三月張世坤與  
妻呂氏撫爲己女幼許羅泰盛世坤卒張呂氏攜閏  
英改適何克明閏英年二十一歲泰盛貧不能娶好  
事者誘泰盛索財退婚閏英不許泰盛誣捏克明嫌  
貧悔婚閏英憤泣投繯殞命知縣宋廷楨爲文以祭  
之

張興侃妻林氏 年二十而寡守節三十七年

楊承先妻程氏 年二十八夫歿氏矢志勤苦撫子  
漣至今孫曾林立現年六十八歲

監生黃峻基妻楊氏 貢生家彥繼母年二十四夫



故事翁姑盡道撫遺腹子家賓及前室子家彥以養以教不異所生皆援例授職孫曾一堂年五十五卒道光十六年 旌表建坊入祠

張蔚鼎妻朱氏 監生朱碧女年二十二夫故矢志守節能事姑撫子今孫曾繞鄰守節已四十年

黃愈邦妻謝氏 年二十九夫故矢志守節撫子達謨成立奉翁姑盡孝養翁歿事衰姑數十年深得歡

心歷節四十六年道光十六年 旌表建坊  
明女 明和揚女幼許王基智八齡失怙育夫家年

敘州府志

卷三十八

列女

妻

富順

十六未婚基智病夭翁炳禮憫女青年為擇配受陳

氏聘女聞慟憤投河救回剪髮自誓今守貞二十年

李幼姑 李萬卷女許字何姓子赤及笄何氏子流徙不歸父母思另為擇婚女不答囑兄弟遍訪翁家

無耗女遂事父母以終身卒年七十九

王福貞 王明吉女為徐福春語言戲謔羞憤服毒自盡時年十三歲知縣祥麟表其閭以慰貞魂

雷澤王烈女吟

莽莽一乾坤浩氣流千古大者忠孝全次完節義苦世風漸澆漓此詣難

復覩卓哉王長姑妙齡未十五姆教婉聽從許為周室輔何來不白冤巧言調鸚鵡女聞輒涕零從容告諸父兒身玉無瑕甘受他人侮與其覩顏生不如死為愈再拜謝親恩伸雪賴力勞須臾暗就縲鬼神都震怒其父鳴之官賢宰乃祥主廉察得其情黑白立分剖罰金賜建坊冤抑一時吐載道有歡聲何人不



起舞孺立而頑廉於世非小補寂寂九臺  
山累累一坏土閨閣仰清風桑梓邁芳矩

許子興妻蕭氏 開明女咸豐庚申六月賊至畏汚  
投水死

陳天祿妻鄒氏 年二十八夫故守節天祿原配無  
子歿繼娶氏復納黃氏皆無出以弟天富子長松爲  
嗣聘媳楊生子南長松復歿氏與黃氏楊氏共撫一  
孫年五十六卒咸豐元年 旌表建坊孫南甲子舉  
人官戶部郎中氏贈恭人

陳天祿妾黃氏 夫故氏年二十一與鄒氏同志撫  
孤壽八十二卒守節六十一年 旌表建坊以孫南

敘州府志

卷三十八

列女

五

富順

貴贈恭人

陳長松妻楊氏 生子南夫故氏年二十一奉鄒氏  
黃氏兩姑立志守節歿年五十五咸豐元年 旌表  
建坊以子南貴贈恭人

鍾恢先妻廖氏 年二十二夫故立志撫孤耐貧苦  
事翁姑存歿如禮歷節三十六年

鍾正桁妻曾氏 年二十六正桁歿撫孤守節五十  
四年 旌表列名總坊

鄧崇慧妻張氏 年二十一夫歿氏矢志冰霜事姑  
孝謹撫孤成立至三十八歲而卒



何兆崙妻楊氏 年十九于歸生子仁壽仁喜夫故  
備歷艱辛守節五十載咸豐元年 旌表入祠學政  
何給冰玉同清匾式

胡會賧妻劉氏 年二十三夫故外家憫氏貧欲其  
改適氏矢志靡他茹蘖飲冰撫二子成立歷節六十  
餘載壽近九旬咸豐甲寅 旌表

廖庶榮妻何氏 年二十夫故立志撫孤復以門祚  
零丁爲虞勸舅娶庶姑楊氏生一子尋天氏事舅姑  
以孝聞年六十卒道光丁未 旌表入祠子明元附  
貢黔江教諭

敘州府志

卷三十八

列女

七

富順

彭文星妻羅氏 未嫁時曾割股救母年二十二夫  
故貞操獨矢守節五十四年卒

余道揆妻鍾氏 年二十一夫故撫子成立歷節已  
五十年四世一堂咸豐元年 旌

劉世德妻任氏 年二十二夫故守節十七年歿孫  
東堂道光癸卯舉人

蕭煥文妻劉氏 年二十夫故守節二十年卒

張序震妻榮氏 潼川教授文毅女年十九適序震  
七月夫故爲夫立嗣守志遭家多故艱苦備嘗事姑  
克盡孝道苦節三十四年卒同治癸亥 旌表入祠



子第興甲子舉人

張序雯妻尹氏 年二十三夫歿無子為夫立嗣守志族中爭產構訟氏佐孀姑內理外禦節操愈堅歷節已三十一年

陳定禮妻張氏 年二十四夫故無子為夫立嗣守節子經完配尋歿獲一孫姑媳孀居苦節愈固現年五十五

張星麗妻彭氏 年二十七夫歿原配遺子序儒撫之如己出氏所生子序品序倫皆教之成名未幾三子俱逝氏再撫孤孫備嘗艱苦咸豐間 旌表入祠

敘州府志

卷三十八

列女

五

富順

王炳妻陳氏 年二十七夫故奉翁姑克盡孝道撫孤子無媿母儀年四十六卒 旌表入祠

蔡綸安妻駱氏 年二十二夫故歷節已三十四年 同治六年 旌表

蔡相藻妻楊氏 年二十三夫故歷節已四十四年 同治六年 旌表

易朝璋妻劉氏 夫故守節已三十七年 易朝琳妻雷氏 年四十二歲卒守節二十年

雷太和妻王氏 現年七十一歲守節四十六年子占高武庠咸豐元年 旌表



雷秀柱妻李氏 年八十八歲卒守節六十六年  
旌表建坊

王明華妻雷氏 守節四十六年子言庠生

生員王言妻雷氏 年二十四夫故以姪行鏡承夫  
祧守志近三十年姑亦守志目瞽氏善事之親族稱  
其貞烈

雷秀桐妻王氏 旌表節孝子升衢武庠以軍功  
守備

張仕明妻范氏 夫故氏年二十四撫一子一女家  
貧獨立守節六十六年卒

敘州府志

卷三十八

列女

堯

富順

雷明錫妻王氏 二十一歲夫歿撫子秀槐守節五  
十四年

雷大聲妻羅氏 二十歲夫歿撫子顯祿守節二十  
六年

雷光顯妻李氏 年二十二夫故守節三十一年咸  
豐元年 旌表

雷明斗妻李氏 年二十九夫故守節四十四年咸  
豐元年 旌表

雷秀模妻蕭氏 年二十九夫歿守節四十三年咸  
豐元年 旌表



許維職妻徐氏 夫故氏年二十一守志二十六年  
屈德權妻徐氏 夫故氏年十九矢志撫孤翁歿族  
人修怨者持鎗炮阻其葬氏攜幼子櫻險赴墓前刺  
血籲翁靈卒獲安厝現年五十

徐生柱妻蕭氏 年二十四夫故守志撫前室遺子  
及己子事舅姑克盡婦道現年五十七

呂澤浦妻蔡氏 年二十四夫故守節十五年歿

徐仕達妻王氏 年二十九夫故守節三十五年

羅瑞圖妻王氏 年二十一夫故生遺腹子永祺撫  
孤立志歷節四十七年

敘州府志

卷三十八

列女

卒

富順

葉亨賢妻閔氏 夫歿氏年十九無嗣抱子撫之現  
年五十

葉亨榮妻袁氏 舉人蔭棠女夫歿氏年十八撫遺  
子矢志靡他現年三十九

呂辰中妻陳氏 夫歿年二十志操冰霜持家端謹

殷紹琫妻鍾氏 年二十五夫歿家貧矢志靡他

陳利璘妻劉氏 青年守志 旌表入祠以子旭光  
貴封太宜人

張一和妻羅氏 年二十六夫故立志撫孤成立歷  
節四十四年同治元年 旌表



宋杰昌妻張氏 張其昌女年二十二夫歿以胞姪  
繼夫後歷節二十二年逝

王鵬烈妻呂氏 呂錫純女年十九夫歿氏上事孀  
姑下撫兩弟繼孤子成立歷節二十八年

楊春文妻李氏 年二十八夫故守志五十一年  
李天慶妻張氏 夫歿氏年二十六善事翁姑撫孤  
子鄉里賢之現年六十七歲

陳兆玠妻謝氏 夫歿守志 旌表

袁汝蕙妻殷氏 年十九夫故撫孤完節現年五十  
生員彭芳林妻謝氏 年二十八夫歿子僅十月矢

敘州府志

卷三十八

列女

空

富順

志靡他勤於紡績卒年六十四子德光南溪庠生

包金生妻羅氏 年二十六夫故家貧窘氏撫孤勤  
儉自勵事翁姑以孝稱守節已三十四年

屈明秀妻尹氏 年二十一夫歿矢志堅貞善奉翁  
姑撫孤子德山入國學已 旌

朱价妻宋氏妾周氏 夫歿同立志完貞

胡第先妻張氏 年二十七夫故守節撫二子成立  
咸豐四年 旌表入祠現年七十三四世同堂

雷肇元妻唐氏 年二十二夫歿事翁姑割股療病  
歷節五十二年 旌



蕭學同妻雷氏 年二十二夫歿立志撫孤守節已五十年

廩生雷履元妻何氏 夫歿氏年二十二為夫繼一子承嗣守節五十二年卒

副榜周五福妻張氏 事姑割股和藥以孝稱氏年七十夫五福始入邑庠同治庚午以耆老賜副榜

汪有連妻蔡氏 夫歿守節學政蔡振武給貞松比節匾額

汪有柄妻曹氏 年二十八夫故立志卒年七十歷節四十二年 旌

敘州府志

卷三十八

列女

全

富順

汪德章妻郭氏 年十九夫故立志守節四十三年卒

阮運甲妻唐氏 唐中宇女奉姑撫子數十年艱苦備嘗已請 旌

汪啟苞妻易氏 原配侯遺二子一女氏撫如己出啟苞歿氏子澄鑑與兩兄析爨兩兄益貧氏命復合居盡出夫所畀私囊獨與前室子俾得全活而獨勉澄鑑自立壽八十六卒

何正桂妻汪氏 汪啟苞女年二十三夫故矢志撫孤成立備歷艱辛咸豐元年 旌



蕭映坤妻江氏 映坤幼慧貧而力學病歿氏年二十四撫二子成立苦節五十七年卒已旌

生員胡光宗妻潘氏 年二十五夫故事親訓子歷節五十餘年子孫多列膠庠

林天佑妻曹氏 道光七年守志至同治四年旌表建坊時年七十

鄧顯潼妻廖氏 年十九夫故遺一女氏年四十始以姪爲夫承嗣歷節四十一年事翁姑以孝稱

陳利謙妻賀氏 夫故氏年二十四矢志撫孤

陳澤綸妻李氏 年二十一夫故矢志撫孤

敘州府志

卷三十八

列女

奎

富順

張紹謙妻胡氏 副榜光國女年二十六夫歿上事重闈兩姑撫孤成立歷節四十餘年

鄧碧信妻陳氏 夫故氏年二十四立志撫孤成立道光己酉旌表建坊壽至百歲

彭光綱妻胡氏 年二十四夫故遺三女一子上事孀母下撫藐孤屢遭強隣悍族凌侮氏立志愈堅卒得孤子宗顯成立入國學卒年七十二旌表入祠

邱士升妻鄒氏 年二十六夫故立志撫孤事翁姑後子女俱亡以胞弟之子承宗歷節三十六年

周家厚妻呂氏 夫故氏年二十撫孤勵志歷節三



十餘年同治二年 旌表

李極妻閔氏 夫歿氏年三十矢志靡他撫子成立  
歿再撫孤孫備嘗辛苦歷節四十三年卒

李國斗妻王氏 年二十九夫故事孀姑孝養備至  
撫子正朝入國學

湯明宇妻劉氏 年二十九夫歿矢志撫孤奉養祖  
姑及姑十餘年及歿安厝如禮家赤貧縫紉營度歷  
節三十三年卒

張廷俊妻楊氏 年二十三夫歿撫原配所出子及  
己子養教兼任苦節清操四十餘年卒

敘州府志

卷三十八

列女

畬

富順

古來翰妻周氏 年二十四夫歿遺子皆襁貞操自  
矢辛苦紡績善事翁姑嚴以教子歷節四十七年卒  
旌表入祠

古依仁妻駱氏 年二十二夫歿無子立志守貞上  
事孀姑撫夫叔弟紹英紹周辛苦備嘗後以族兄子  
爲嗣守節垂四十年 旌

劉元祿妻胡氏 年二十七夫歿奉姑教子并日親  
操矢志不渝子中文以勤慎造家道光十八年 旌  
表建坊守節四十七年卒

戴時麟妻江氏 年二十二夫歿無子以胞姪承夫



祧守節已五十年

戴時釗妻黎氏 年二十一夫歿撫孤成立守節五十年卒

羅玉樹妻鄒氏 年二十九夫故撫遺孤成立壽六十餘卒

羅金湘妻蕭氏 年二十四夫歿撫孤成立咸豐元年 旌表

華光震妻邱氏 年二十八夫故矢志撫孤事翁姑以孝稱歷節四十六年

敘州府志 卷三十八 列女 富順

女孝順翁姑守節六十年卒

易朝品妻彭氏 年二十九夫歿撫姪繼嗣成立歷節已三十年妾劉氏年十七偕彭氏立志至今亦歷節三十年俱請 旌

劉明良妻陳氏 年二十八夫故矢志教子耕讀鄉

里稱其賢卒年五十四 旌表入祠 劉燿妻周氏 年二十八夫歿家貧矢志不為羣議

奪紡織奉翁姑撫子女成人年近八旬猶勤勞不輟 張勝斟妻劉氏 年二十九夫故守節三十六年

旌表



張定和妻姜氏 夫歿善事孀姑割股療姑疾撫堂姪爲子

趙洪仁妻溫氏 年二十八夫故家赤貧撫半歲遺孤成立零丁孤苦矢志靡他歷節六十一年卒咸豐元年 旌表

趙樑妻劉氏 年二十八夫歿撫孤成立事孀姑以孝聞壽八十八卒咸豐元年 旌表

李萬鈞妻夏氏 年二十六夫故撫姪承祧以養以教備極艱辛歷節二十九年卒

杜正陞妻馬氏 年二十六夫故家計維艱氏矢志

敘州府志

卷三十八

列女

奕

官順

靡他撫子大勳大璋成立守節二十九年 旌

劉華先妻湯氏 年二十一夫歿遺二子家甚貧時有欲奪其志者氏自矢終身自甘貧苦現年九十例旌

宋榮璋妻杜氏 家極貧夫死遺一子氏年二十撫子守志子殤氏節愈勵紡績以奉鰥翁歿年三十有六

康二姑 康代封次女幼字宋榮光未婚榮光病故二姑年十四守貞不嫁事父母姨母以孝聞及父母歿姨母病痼三子皆幼二姑督責以嚴均漸成立年



四十四猶終日勤苦云

唐儒道妻彭氏 宿儒彭松女年二十四夫歿善事

翁姑撫子世彬及二孫成人弟媳病撫姪視如己子

平居莊敬庭無笑語聲歷節四十六年 旌表入祠

錢正權妻曹氏 年二十四夫歿遺二子家貧氏矢

志靡他俯仰之資惟恃織紉苦節三十二年 旌

宋時妻戴氏 事姑有孝行姑疾弗瘳割股和羹以

進

謝綸紉妻陶氏 年二十九夫故撫遺子女甚艱咸

豐十年賊擾挈孤避賊黔蜀界復遇髮逆子女溺水

敘州府志

卷三十八

列女

七

富順

死氏逃歸撫族姪孫以承謝氏祧年六十一

晏玉蓮 監生文璽女字儒童陳文明未婚陳歿女

年十五至文明家守貞以孝聞越八年撫姪德清爲

祀尋殤翁姑歿乃依母家復撫姪文光以延夫祀苦

節已十七年

晏學倫妻李氏 年二十八夫歿遺孤三人家貧窘

課子成立現年五十八

陳文炳妻朱氏 孝事翁姑翁病割股和藥以進病

尋愈

謝興啟妻張氏 年二十二夫歿家徒壁立貞操不



移教子有矩範現四十六歲

王振學妻何氏 孝事翁姑動不忘禮

王壽昌妻温氏 年二十八夫故撫胞姪為嗣自毀

其容示無他適意壽八十六五世同堂已 旌

劉特章妻吳氏 年二十一夫歿撫孤守節事孀姑

勤紡績以供甘旨及遭亂家益窘仍藜藿自甘 旌

生員陳惺妻吳氏 陳慶具妻江氏 張廷弼妻胡

氏 俱 旌表

李天慶妻張氏 夫歿年二十六姑病久氏親洗廁

踰鄉里稱之現年六十七同治七年 旌表

敘州府志 卷三十八

列女

突

富順

雷起雲妻王氏 年十九夫歿撫子成立守志四十

年

周文城妻何氏 年二十四夫歿遺孤僅一歲卒時

年七十七同治七年 旌表

田宗馨妻易氏 年二十八夫故無子撫姪成立守

節三十一年

張定和妻姜氏 年二十五夫歿撫姪為嗣誓不他

適孀姑病割股療之現年四十八

江樓妻彭氏 宜賓舉人運達女弟年二十六夫歿

事翁姑盡孝教子有方守節三十九年



胡全禮妻劉氏 年二十六夫故無嗣撫姪鈞智承  
祧生一孫鈞智尋故氏歷節四十餘年媳江氏守志  
已十八年

王元臣妻蕭氏 年二十四夫故撫子立志苦守現  
年五十八 旌

黃啟運妻曾氏 年二十二夫故撫子成立守節六  
十五年 旌

陳在益妻鄒氏 年二十七夫歿撫孤守節二十五  
年

王宇智妻李氏 年二十八夫故撫子守節四十二

敘州府志

卷三十八

列女

堯

富順

年請 旌建坊

監生王平先妻郭氏 瀘州涿州知州于樹女年二  
十一夫歿無子撫姪章純爲嗣娶阮氏章純早故無  
子又撫姪孫百益爲孫堅阮氏之清操綿夫主之禮  
祀同治元年請 旌建坊

監生王平興妻劉氏 瀘州劉元武女年二十一夫  
歿遺一子二女氏立志教子奉姑善操家政以孫百

益爲姪媳阮氏承祧訓子博施成立援例副指揮

鄭明元妻鍾氏 年二十六夫歿遺子達修家素貧  
氏事翁姑撫孤子俯仰咸賴歷節二十三年卒同治



六年 旌表

蕭懋修妻鍾氏 年二十九夫歿遺子三氏冰霜自  
矢貧苦不渝善事翁姑以義方訓子歷節凡三十七  
年

王晚妻郭氏 年二十一夫歿撫孤子奉養翁姑甘  
旨無缺守節已五十七年

劉金鑑妻蔡氏 年二十五夫故氏紡績撫孤並撫  
前室遺女三人如已出鄉里稱賢教子華黻登道光  
己酉選拔守節三十三年 旌

劉邦琮妻李氏 劉邦繪妻陳氏 一門雙節妯娌

敘州府志 卷三十八

列女

卅

富順

節孝坊在下東

鄧世棟妻林氏 年十八于歸道光十八年請 旌

同治壬戌年壽九十一歲辛巳建坊

游桂崗妻楊氏 年二十八夫歿家貧矢志不移撫

孤子貸粟維艱及子成立稍裕能週恤貧困現年七

十四同治元年 旌表

易學經妻曾氏 年十九夫歿生遺腹子正繼飲泣

茹荼教撫有方年四十九卒 旌

張國欽妻古氏 年二十五夫故遺二子氏撫孤善

事翁姑歷節四十五年



洪熒先妻劉氏 年二十四夫歿氏撫遺子成立年七十卒

王槐秀妻黃氏 夫故氏時年二十立志撫子成立性慈淑闔家無閒言

宋乾元妻熊氏 年二十九夫故矢志守節事翁姑撫孤子承望咸豐辛酉年承望禦賊陣亡氏現年五十九歲

易大成妻高氏 年三十夫故誓志守節撫三子成立現年七十猶健

藍毓華妻鄭氏 年二十一夫故矢志撫子現年五

敘州府志

卷三十八

列女

三

富順

十三歲

何蔚發妻藍氏 年二十二夫歿撫子守節現年五十三歲

何文茂妻劉氏 夫故氏年二十八撫孤事親終身不懈壽九十有三歲

洪績曾妻陳氏 夫歿氏年二十六矢志靡他謹事翁姑教子成立守節三十年卒

曾世亨妻賴氏 夫歿氏年二十七撫孤守志年六十七終

尹玉瑱妻嚴氏 夫故氏年三十撫子成立歷節三



十餘年

故儒李大庭妻吳氏 夫歿氏年二十三立志撫子  
含章成名現年五十八咸豐己未請 旌

王國璠妻何氏 年二十七夫歿矢志撫二子事翁  
姑誠敬不倦年七十四卒己 旌

鄒其忠妻歐氏 年二十八夫歿撫二子矢志不移  
歷節三十年卒

李學洙妻陸氏 年二十六夫故撫孤子守節己三  
十七年

陸翼堂妻簡氏 年二十三夫故撫孤子宗炳矢志  
敘州府志 卷三十八 列女 富順

不渝

張和棟妻鄧氏 于歸半載夫故艱辛撫姪為嗣克  
承先業守節五十年 旌表列總坊

張和友妻呂氏 夫早歿翁疾割股和藥以進病尋  
愈族黨稱之

李開榮妻嚴氏 年二十六夫歿矢志撫孤子成立  
守節二十年身故

呂錫光妻高氏 年十九夫歿撫子成立守節己四  
十七年

田宗黠妻薛氏 年二十二夫歿僅一女守節十年



卒族人以姪式金承祧

陳名俊妻曹氏 年二十四夫故遺二子氏紡績爲食矢志撫孤成立現年六十有五歲

黃大陞妻羅氏 年二十八夫故遺子女各二家赤貧氏撫孤成立歷盡艱辛現年五十有三歲

宋啟才妻熊氏 年二十二夫故遺一子一女矢志守節四十歲身故

劉世月妻余氏 年二十四夫故事孀姑撫兩孤子里人憫其孤苦捐資助之守節十載歿請旌入祠氏係本縣曹田鋪人移居貢井並載榮邑志

敘州府志

卷三十八

列女

三

富順

宋國勝妻李氏 年二十八夫歿遺二子又生遺腹子一氏立志撫孤孝養翁姑甚耐貧苦迄今子孫繁衍氏年八十

程元興妻何氏 舉人秀廷女奉翁姑以孝聞姑病氏割股和藥以進尋愈戚里稱之

田慶瑞妻何氏 舉人廷秀女年十七夫故事翁姑孝養備周撫孤成人歷節已二十五年

張萬有妻廖氏 年二十一夫故守節撫幼子世墀世堦俱入國學同治七年請旌入祠

田宗元妻董氏 年二十二夫歿無子志節不衰撫



姪爲嗣卒年六十一已旌

伍永長妻何氏 年二十一夫歿翁姑欲奪其志氏矢志不渝紡績撫孤現年五十一歲

周四姑 周學仕季女年十六失怙母癱疾在床姊三俱適人兄歿嫂醮遺一子僅數月衰母弱姪姑以一身任之紡績爲生有媒議婚輒拒之食貧茹苦幾六十年卒年八十一

戴盛先妻王氏 年二十九夫歿遺五子皆殤氏撫夫胞兄孫爲嗣事姑誠敬備至守節已四十二年

戴榮官妻楊氏 年二十夫故遺二女撫嫡堂弟榮  
敘州府志 卷三十八 列女 富順

翰子爲嗣善奉姑苦節已三十一年  
戴榮祿妻董氏 年十九夫歿撫二孤子守志二子皆歿撫孫一人勉以奮志讀書氏現年五十有八

王丕基妻陳氏 年二十四夫故子亦夭氏矢志不渝謀繼子以承夫祧未就而卒時年三十八 旌表  
入祠

鄧光滄妻陳氏 年二十四夫故矢志撫孤子成立  
苦節四十四年 旌

王昌瓊妻許氏 年二十七夫故撫孤子僅三齡稍長目瞽氏矢志靡他雖兄弟分爨卒能支持門戶以



獲舅姑歡平居杜門謹言笑艱苦備嘗年六十三卒  
子孫蕃衍

陳長相妻黃氏 監生萬鑑女年十八夫歿矢志不  
貳踰月生子世卿艱辛撫孤慈嚴兼盡世卿以廩貢  
授銅梁教諭

蕭邦宦妻王氏 年三十夫故撫二子矢志靡他苦  
節三十餘年

蕭邦政妻劉氏 年二十六夫故撫孤成立歷節近  
四十年

張廷第妻蔡氏 年二十四夫故矢志守節歷節五  
十二年卒同治元年 旌表

生員李華霖妻王氏 年二十六夫歿氏立志守節  
凡三十七年

蕭念修妻張氏 年二十九夫故勵志撫孤成立苦  
節已二十九年

蕭邦伸妻呂氏 夫歿氏年二十九撫子煜修成名  
現年六十三同治六年 旌表

余日升妻陳氏 年二十五夫故立志守節上事翁  
姑下撫孤子歷節三十年卒咸豐甲寅 旌表

張祚龍妻劉氏 年十八夫故遺一子澤矢志守貞



卒年三十咸豐元年請旌

張祚鳳妻林氏 年十八夫故無子撫姪濤爲嗣姑病偕妯氏劉奉湯藥無倦歿克盡禮矢志堅貞現年五十同治丁卯請旌戊辰年建一門雙節坊

彭煊妻趙氏 年二十二夫歿矢志守貞家貧無子撫姪孫承祧卒年八十有七

張玉坤妻田氏 年二十二夫故家赤貧矢志靡他歷節三十一年艱苦愈甚節操彌堅

陳兆鎰妻林氏 年三十夫故撫孤守志兼撫夫幼弟苦節十四載卒隆昌范泰衡讚云坤維有大節慄

敘州府志

卷三十八

列女

美

富順

慄不可渝貞婦獨得之巾幗亦丈夫况值鸞絃斷萱閣有遺孤爲夫撫兒兼撫弟呱呱一室兩勤劬吁嗟乎曹豆泣田荆枯富貴兄弟尙難言寡嫂何能代倚間詎似陳貞婦緣孝篤友于我今瞻遺像猶見女宗模松柏有心竹有陰叔爲簠簋子爲瑚和丸茹蘗數十載貞烈直與笑慈俱花開旌節 龍章賁一舉三善無人如

劉利庠妻王氏 年二十三夫故氏艱苦立志十載後以嫡堂弟次子承夫嗣歷節已三十七年

陳家佑妻梁氏 夫歿守貞 旌表題名總坊子國



珏援例監生

陳大姑 處士漢書女守貞弗嫁六十餘年士林有五律詩咏其事云此女真稀世淵源溯有媯守貞終不字信史孰能遺匪石心難轉含冰節自奇芳徽彤管紀完行冠諸姬

王燿妻葉氏 珙縣文生扶楚女幼卽寄養姑家及笄成禮閱四載夫歿僅遺一女氏矢志守節奉養翁姑夫兄神心有二子氏求一爲嗣不許又數年夫兄生第三子振烈姑乃命爲氏後氏撫育艱辛稍長教以禮義課責甚嚴氏歿請 旌入祠振烈尋遊泮每念劬勞輒嗚咽流涕振烈生父有子五人及析產以六股均分皆氏之教也

敘州府志

卷三十八

列女

七

富順  
川上

何秀玢妻魏氏 年二十二夫故守節持家教子有法度事翁姑以孝聞現年七十咸豐元年請 旌建坊以子天錫職封宜人

方紹明妻周氏 年二十八夫歿矢志守節事翁姑克盡孝撫遺子訓以義方夫弟無嗣以第二子與承祧年近八旬孫曾繼起

曾懷旺妻徐氏 夫歿時氏年二十七家貧立志撫遺腹子成人上事翁姑必誠必敬守節四十四年



歐陽懋宗妻王氏 年二十六夫故矢志靡他事翁姑存歿盡禮撫孤子德成誨養備至兼撫夫幼弟宣成立現年五十有七咸豐十年 旌表建坊

王淵智妻李氏 年未三十夫歿苦節四十二年卒

李洽妻葉氏 監生祖龍母青年矢志 旌表建坊

李祖貴妻 氏 夫歿撫子萬亨成立歷節三十二年 旌表建坊

黃萬春妻 氏 年二十一夫歿貧困撫孤歷節六十四年

應朝恪妻葉氏 年二十七夫亡家赤貧撫一子愚

敘州府志

卷三十八

列女

美

富順  
三三

鈍不能供母氏惟自食其力現年六十有七歲

錢國富妻陳氏 年二十九夫歿立志守節凡三十年

陳起彬妻章氏 年二十六夫歿守節踰三十年

朱思貴女小姑 年十餘歲有目疾矢志不字養父母以終其身現年五十二

聶興柏妻傅氏 年二十五夫歿家貧氏上事病姑極勤謹撫幼子成立艱辛萬狀年五十五卒

張光祿妻陳氏 年二十九夫歿茹苦含辛教子耕讀維勤事姑存歿盡禮咸豐二年請 旌建坊五世



同堂現年八十有八歲

盧拱賢妻張氏 年二十七夫故矢志靡他撫孤子  
誨養兼至守節已三十三年

鍾祿高妻張氏 年二十五夫歿撫孤事翁姑慈孝  
兼備壽八十有九曾元繞鄰 旌表列總坊

牟永國妻張氏 性純孝翁肇禮病氏禱於神割股  
進之翁壽愈年九十卒

張和煜妻黃氏 年二十二夫歿撫孤僅數月守節  
三十九年卒

陳漢書妻張氏 年十六夫故遺子家祺氏節哀上  
敘州府志 卷三十八 列女 完 富順

事翁姑嚴課孤子成立歷節五十餘年請 旌建坊

陳家祐妻梁氏 年十九夫故僅遺一女以姪國光  
承夫嗣守節四十七年提學鄭給輝增彤管匾額

旌表入祠

陳貞女 家只長兄一人幼得殘疾母王氏目昏家  
貧艱於日食女矢志不字紡績奉母以終其身歿年

六十三歲

趙天昂妻王氏 年二十六立志撫孤成立壽九十  
有四曾孫朝棟朝書思聰思普俱列膠庠 旌表建

坊入祠



陳炳地妻梁氏 年十九夫歿無出以夫兄子墀爲嗣有孫一齡墀又故與媳龔氏同撫孤孫

陳灼地妻梁氏 年十九夫歿無出以夫弟子堂爲嗣

林大垌妻張氏 年二十四夫歿矢志撫教孤子世槐篝燈課讀恩勤備至世槐今爲邑廩生

王常經妻孫氏 年二十九夫故氏下撫遺子上奉衰姑僅有微業紡績辛勤現年六十有六歲

毛有恒妻管氏 年二十四夫歿以姪繼嗣勤紡績奉姑撫子守節已四十五年

敘州府志

卷三十八

列女

全

富順

吳方喜妻雷氏 年二十八夫歿撫孤苦志勵節

許維雯妻羅氏 年二十二夫歿撫姪承祧年踰五十卒

牛登仕妻楊氏 年三十夫故撫孤守節四十二年卒咸豐元年 旌表

牛懷清妻曾氏 年二十五夫故撫孤守節近三十年同治五年 旌表

甘才義妻盧氏 年二十八夫故子幼家貧以孝事姑撫孤成立身居市屋貞靜無瑕守節凡三十九年

劉成權妻黎氏 夫故氏年二十家貧守志已三十



六年

許氏 年二十八守節有孝行翁病割股和藥族黨

稱之新縣志缺夫名

羅瓚妻華氏 舉人鳴昌胞妹年二十八瓚故遺二

子家極貧氏苦節數十年如一日年六十九卒同治

七年 旌表

華崑連妻邱氏 年二十八夫故守節三十六年卒

同治七年 旌表

華懷紀妻賴氏 邱氏媳也年十九夫故守節年三

十卒姑媳孀居柏舟同咏世所罕有

敘州府志 卷三十八

列女

全

富順

何京璠妻鍾氏 年二十四夫故氏抱子守節教養

成人年八十一卒同治七年請 旌

何其宸妻王氏 年二十五夫故氏撫孤成立節久

彌堅現年五十有八例 旌

何其苾妻王氏 年十九夫故遺二子長出繼次生

四月氏一意撫孤貞守不渝現年五十六同治七年

旌表

何其寅妻傅氏 係鍾氏姪婦二王氏兄嫂也年二

十夫故無子時無繼者迨三載其苾舉一子氏抱撫

承祧完節以老現年五十八同治七年請 旌同堂



四節鄉里榮之

蔡玉川妻王氏 年二十五夫故遺一子家徒四壁氏仰事俯育紡織度活歷節十一年卒同治七年請旌

何維斌妻張氏 年二十六夫故姑孀子幼氏孝慈備至年三十七歲卒例旌

甯顯財妻劉氏 年二十六夫故矢志不二現年六十有六

盧開達妻許氏 開達病模糊孀姑目瞽氏抱夫堂兄子爲嗣越數年夫歿氏矢志不貳現年五十有二

敘州府志

卷三十八

列女

全

富順

同治五年 旌表

蔣祖恒妻蕭氏 年二十四夫歿矢志守節三十六年

生員朱彥成妻倪氏 舉人印垣女年二十六夫歿立志撫孤歷節十五載卒同治四年 旌表子良箴

文生

田慶培妻張氏 例貢太信女年十八夫卒無子氏矢志守貞善奉翁姑翁姑歿鬻嫁粧竭力營葬家徒四壁惟勤鍼黹撫弱弟慶域成立爲之完婚婚期前二日氏病篤囑慶域爲夫立嗣遂瞑時年三十六例



得旌表

楊鈞詩

慷慨就死易從容盡節難吾家貞烈風金石

義巾幗愧儒冠遙遙二百年誰與等量觀金水曲江  
裔有女淑且端于歸年十六兩載痛離鸞欲隨泉下  
人相逝共盤桓其如嫫嫫何衰朽虞飢寒弱弟僅五  
齡幾幾門祚單鍼膏一燈青菽水潔晨餐撫弟如撫  
兒攜持心力瘳翁姑相繼亡摒擋具衾棺依依棠棣  
華孤影漸團樂諷吉締絲羅待種好芝蘭同根可繼  
緒庶為亡者歡一朝危疴起呼弟發長嘆了卻君家  
事黃泉妾心安一死足千古姓氏香旃檀與吾先祖  
姑同此寸心丹後先輝邑乘一例荷  
宸翰寄語輶軒使勿作尋常看

周映春妻易氏 職員朝斌女年二十四夫歿氏三

世孀居有孝行撫子成立苦節已三十一年

管兆斌妻易氏 朝斌女生子二人氏善事翁姑年

敘州府志 卷三十八

列女

全

富順

二十七夫歿苦志撫孤子歷節十三年卒

易朝官妻蕭氏 年二十八夫歿無子以姪光國承

嗣歷節凡四十三年

黃順華妻江氏 生二子早殤年二十八夫故撫姪

為嗣尋天復撫姪孫承祀歷節四十一年

蔡銀義妻馬氏 有孝行年二十夫故遺子甫數月

氏矢志撫孤終身不貳現年五十六

易大位妻唐氏 舉人家桂女年十九適大位越五

載夫歿無子氏婦兼子職克盡孝養姑病割股臂救

姑族黨咸稱其孝撫夫弟子為嗣現守志待旌



王璵貞 王章鵬女幼許配易大廣婚期前一月大  
廣卒璵貞時年十六匍匐奔喪請翁姑及族人爲夫  
立嗣遂守志不歸所立嗣兩殤志愈堅現已守節十  
一年

余金蓮 父廷柳母吳氏金蓮幼聰慧稍長以孝聞  
父母絕鍾愛之許配儒童李喜甫委禽而喜歿女願  
終身養親次居末咸以少姑稱之家人小有過失族  
中口角悉待少姑一言而解族人立生祠奉之年近  
七旬猶健全蓮名並列瀘州節孝總坊

馬女 歲貢德修女許字尹漁村未婚漁村歿女泣  
敘州府志 卷三十八 列女 富順  
辭父母至姑家執婦禮奉孀姑以孝聞撫堂姪華生  
承嗣爲之婚配

熊長興妻歐陽氏 文生振冀胞妹于歸後生一子  
一女年二十七夫歿矢志撫守年七十四歲卒族隣  
爲之請旌

魯儀達妻羅氏	顏德鳳妻鄧氏	張永奇妻陳氏
張和亮妻廖氏	張祚龍妻劉氏	張和洪妻葉氏
張興侃妻林氏	張和冰妻周氏	張興梁妻毛氏
張和瓊妻陳氏	張和浣妻林氏	張和治妻林氏
張和粹妻吳氏	張興詮妻陳氏	張興槐妻廖氏



張興佐妻鄧氏 張和澧妻楊氏 張興俗妻劉氏

鄒莖春妻張氏 張興材妻鄒氏 鄒廷蘭妻尹氏

張世洪妻陳氏 以上二十二人均 旌表列名總

坊

蕭志修妻袁氏 年十九夫故苦節歷十年歿已

旌

吳步鰲妻萬氏 年二十三夫歿撫子現年五十四

許維安妻趙氏 廩生重璜女撫孤歷節已 旌

王傳統妻唐氏 年二十八夫故撫孤子紡績資生

事姑以孝聞

敘州府志 卷三十八

列女

全

富順

龔膺采妻黃氏 年二十三夫歿矢志勵節事翁姑

存歿盡禮撫姪承祧課讀綦嚴并日機絲終身不懈

道光十五年 旌表建坊壽八十七卒

林第元妻劉氏 年二十三夫歿奉姑教子始終無

貳歷節三十三年 旌

鄒肇修妻張氏 年二十七夫故守節三十七年請

旌

王聖華妻李氏 年二十八夫歿矢志守節年五十

入卒

林大燐妻謝氏 青年矢志皓首完貞現年七十四



孫曾繞鄰學政楊旌以秉貞來福匾額

吳之榮妻尹氏 年二十六夫歿遺二子一女氏紡

績自給現年九十學使鍾以勁節遐齡旌其閭

林雨濡妻黃氏 夫歿家貧矢志撫子女成立現年

七十六孫曾繁衍

周正鵬妻李氏 年二十六夫歿守志以苦節終

李正榮妻徐氏 年二十九夫故清操自勵撫二子

成立

張文瀚妻陳氏 文瀚力學以瘵疾歿遺子女各一

析產氏僅受田二十畝撫子女紡績維勤家日益豐

敘州府志 卷三十八

列女

全

富順

毛大滿妻胡氏 年十六成婚五月夫歿撫遺腹子

成京家貧事姑三十八年存歿盡禮現年五十八

明乾興妻謝氏 年十九夫故撫子振揚又撫孫高

俱貢生現年七十五五世同居

管兆芬妻趙氏 歲貢重璜女年二十二夫故無子

氏矢志不二紡績親操後撫姪永清為嗣教之入庠

歷節二十載卒 旌表入祠

劉存仁妻張氏 年二十一夫故止一女撫胞姪大

相為嗣咸豐辛酉大相禦賊陣亡氏孝敬貞靜守志

已四十餘年



吳從元妻凌氏 年二十九夫故訓子泮香入泮歲  
款嘗取棕實爲餌以充饑歷節三十餘年

田近順妻喻氏 年二十四夫故無子立志守貞偕  
娣氏廖共撫一子承嗣歷節三十四年

田近昌妻廖氏 年二十五夫故遺女二與孀嫂喻  
氏同撫一子承夫祧上養下撫紡績自給苦志三十  
一年例旌

江邦發妻陳氏 年二十五孀居撫一子一女惟資  
紡績以養衰姑料理婚嫁人咸謂男子不及也歷節  
凡三十年

敘州府志

卷三十八

列女

全

富順

鄢懷墀妻郭氏 生員正經女年二十夫歿孀姑病  
癱氏養老撫孤孝慈兼至滇匪竄擾姑促氏奔避聞  
姑病篤冒險歸省姑尋卒數日氏亦卒蓋痛姑驚賊  
所致也卒年三十一

舒明開妻稅氏 年十九夫故撫孤子甘貧茹苦守  
志四十二年

楊朝聘妻曾氏 年二十一夫歿矢志靡他奉翁姑  
繼姑存歿盡禮躬親組織撫孤成立年八十卒

黃大雅妻敖氏 榮昌廩生廉臣女年二十五夫歿  
遺子女俱稚氏奉親撫孤嘗自忍饑寒現年五十四



嫡堂弟敖册賢代請 旌表

彭德順妻趙氏 年二十七夫故立志撫孤守節六十年已 旌

彭德奎妻明氏 年二十一夫故遺孤僅八月氏矢志守節二十八年卒

鄭德遠妻巫氏 年二十八夫歿遺一子氏矢志不二孝事翁姑勤儉啟後壽八十五卒

李應茂妻林氏 年十八夫故撫姪文美承祧或勸改適氏斷左手第五指自誓生平勤紡織自給道光元年壽九十一卒守節七十三年咸豐元年 旌表

敘州府志

卷三十八

列女

六

富順

田正元妻梁氏 年二十六夫歿子僅三齡翁姑衰病步履需人氏奉親撫孤勤劬備至後子歿復撫姪孫承祧現年七十

王科信妻余氏 年十九夫歿守節踰二十六年

范永盈妻劉氏 年二十七夫故遺子光琳立志撫孤守節四十八年 旌

劉欽仲妻朱氏 年二十五夫故撫子明煜事翁姑盡孝惓念生母嘗減食以甘旨博母歡平生厚重勤儉現守節二十八年

周學柱妻劉氏 年二十二夫歿無子以姪承嗣善



事翁姑謹笑嘔族黨重之守節四十七年咸豐四年旌表列名總坊

張元陞妻 氏 年二十一夫故無子以姪承祧貞操苦節已歷五十六年同治七年 旌表建坊

熊懷珍妻田氏 年二十一夫故撫姪繼嗣成立事翁姑有孝行苦節三十年同治九年 旌表

陳慶檀妻曾氏 內江曾廣劭女年二十四孀居撫孤子及年已四十因後姑逼之改嫁刎頸自全咸矜憫之

張乾元妻李氏 李文芳女年二十三夫歿遺二男

敘州府志

卷三十八

列女

完

富順

一女俱妖氏矢不二又撫同宗子朝棟承嗣家貧紡績奉翁姑夫之叔祖叔祖母老無依氏養葬之夫之胞兄嫂及胞姪歿又代撫其孫成立氏守節三十一年

彭煉文妻汪氏 增生懷瑜女年二十八夫故矢志靡他勤鍼黹以佐旨甘事親教子艱苦備嘗長子基立庠生現年五十九

彭焯文妻潘氏 年二十四夫故矢志冰霜撫螟蛉子基善成立現年六十一

張興綸妻陳氏 年二十一夫故撫子世寬成立現



守節三十四年 旌

徐顯位妻文氏 年二十九夫故撫幼子承祧苦節  
四十三年

張玉鼎妻李氏 庠生映庚女夫故撫姪承祧歷節  
三十年

呂光操妻陳氏 未嫁時父染重疾刲股療之尋愈  
萬鵬魁妻劉氏 年十九夫故事翁姑孝教子以義

方苦節五十年  
盧啟宦妻林氏 年二十五夫病割股和藥及歿立

志撫孤苦節二十一年卒  
敘州府志 卷三十八 列女 富順

李致達妻毛氏 年二十四夫故撫姪承嗣之死靡  
他事姑以孝守節凡三十年

毛光修妻苟氏 年二十八夫故氏立志撫孤侍翁  
姑善承顏守節三十餘年

王宇智妻李氏 恂信母孀居時年二十八矢志不  
二守節四十五年 旌

王恂信妻吳氏 年二十二夫故柏舟自矢現年五  
十二 旌

楊春臺妻鄒氏 年二十四夫故冰霜永誓現年五  
十四 旌



周國頤妻鄭氏 庠生時雍胞妹年十八夫歿無子  
矢志立後孝養舅姑歷節四十餘年

余元浙妻劉氏 年二十四夫卒矢志靡他家貧善  
事翁姑撫姪承祀旋歿復撫姪孫爲孫教養彌摯清  
操苦志凡三十八年 旌

趙寅遠妻何氏 年二十五夫卒矢志撫孤成立守  
節五十年

陳周才妻龔氏 年二十二夫故無子奉親孝數次  
立嗣不祿後撫一孫成立苦節三十九年

王敏信妻鄒氏 年二十八夫逝世孀姑得其歡心

敘州府志

卷三十八

列女

三

富順

慈撫幼子勤女紅自給歷節四十五年

何興連妻李氏 年十九于歸未幾夫卒氏勵志奉  
翁姑撫姪爲嗣至成立苦節凡四十年

何廷掄妻陳氏 掄歿時氏年十九無子以胞姪承  
祀事姑孝謹守節二十年歿

從九何嘉猷妾張氏 雲南曲靖人明義理願從一  
而終及嘉猷病氏亦悼卒

何興楷妻劉氏 年二十九夫歿撫子成立尋卒復  
撫遺孫教以成名歷節三十餘載

何廷湘妻陳氏 年二十二夫殞事姑有禮教子入



庠歷節三十八年

宋家清妻藍氏 年二十二夫故無子撫堂姪為嗣  
歷節已二十四年

傅宗楷妻朱氏 年二十二夫逝矢志守節事姑存  
歿盡禮撫二子成立家貧紡績怡然歷節三十六年  
趙中林妻易氏 年二十五夫故遺子五齡立志終  
身不二苦節三十二年

生員田樹芬妻高氏 翁玉輝肄業錦城氏典簪奉  
之姑病調護不倦勸樹芬勵學膏火惟藉女紅嘗減  
己食以餉姑子錫疇邑庠

敘州府志

卷三十八

列女

三

富順

李章義妻馮氏 年二十四夫故矢志不二撫姪承  
祧歷節三十年

萬組妻王氏 舉人鳳鳴胞姊義士廷超祖母年二  
十六夫故家徒壁立撫二子成立事翁姑有孝行壽  
八十卒

鄒昌亮妻黃氏 年二十九夫故訓子有方貧甘藜  
藿敬事翁姑二十八載歷節四十三年子孫多列膠  
庠

陳瀚先妻金氏 夫歿氏時年二十七守志三十四  
年同治元年請 旌



朱成典妻羅氏 年二十九夫故守節三十年

郭培妻周氏 年二十九夫歿守志善事翁姑撫二

子成英成傑鄉里咸稱之

張文芝妻郭氏 年二十四守志親操井臼撫孤成

立歷節三十年

監生楊彥祥妻洪氏 年二十九夫歿事翁姑有孝

行慈以撫孤歷節三十餘年

呂子基妻歐陽氏 年十九夫故撫孤成立守節凡

三十年

吳方喜妻雷氏 年二十九夫歿勵志守節閭族咸

敘州府志 卷三十八

列女

三

富順

欽

許維宇妻陳氏 年二十一夫歿撫孤甘貧勵節逾

三十年

林大坵妻張氏 年二十四夫故立志撫孤苦節六

十餘年孫曾繞鄰

呂子堅妻何氏 年十八夫歿撫姪承嗣守節十一

年卒

劉天慶妻何氏 年二十六夫故撫孤守志孝事病

姑子心恒庠生歷節三十一年

項鳳陽妻郭氏 文生郭田胞姊年二十六夫歿事



姑撫子屢歷艱辛

羅興榮妻陳氏 年二十七夫故撫孤立志子兆瓊  
入成均苦節三十三年

生員張世經妻江氏 年二十一夫故矢志撫孤夫  
弟嗾孀姑逼氏再醮加以箠楚氏志益堅撫子竟成  
立茹苦含辛歷節五十年尙康強云

丁懷鳳妻張氏 年二十四夫歿撫姪承祧歷節已  
六十四年

朱君清妻陳氏 年十八夫故矢志善事翁姑年六  
十子病故復撫族姪為嗣現年七十有九

敘州府志

卷三十八

列女

齒

富順

劉世彬妻黃氏 年二十八夫故事姑克孝撫子代

珩國學孫仁山文生年八十六卒

傅名元妻李氏 夫歿氏年十七孝事病姑艱難百  
狀撫姪為嗣守節三十年

生員廖先之妻黃氏 年二十五夫故撫子事姑勤  
苦畢至守節三十七年同治四年 旌表

許維宇妻陳氏 年二十八夫歿歷節近三十年

高廷桂妻萬氏 年二十八夫歿立志撫孤孝事翁

姑歷節近三十年

張世瓊妻林氏 年二十九失所天矢志撫孤三十



四年

張祚榮妻鄭氏 年二十夫故撫姪為嗣計守節三十年

吳常慎妻張氏 年二十六夫故遺三子翁病侍湯藥無倦姑失明扶翼備周及歿喪葬盡禮己 旌

呂謙妻郭氏 年二十七夫卒事孀姑撫二子成立二子尋天再撫遺孫鄉里稱之

張文德妻高氏 副榜廷俊女年二十二夫歿氏事姑教子孝慈兼盡歷節近四十年

謝瑛妻許氏 年二十七夫卒姑病嘗割股以進撫

敘州府志

卷三十八

列女

七

富順

子未成抱孫撫養苦節五十餘年

謝靈嶽妻鄧氏 年二十二夫所天貧無立錐苦節四十餘年

朱有綬妻許氏 年二十六夫歿子尋殤撫姪承嗣常自課其文督學黃給秉孝全貞匾額

唐官璽妻許氏 夫歿守節三十餘年己 旌  
許光憲妻華氏 舉人鳴昌女年二十五夫故歷節

四十餘年

金階選妻陳氏 歷節六十年壽八十七學政潘給  
獎葆貞完孝額 旌表入祠



金用選妻羅氏 歷節四十一年文生傑祖母 旌表入祠

熊海章妻黃氏 年二十一夫故撫姪殿元爲嗣入武庠守節四十六年

武生熊彥章妻陳氏 佾生學安女年二十七夫故孤子旋卒乃撫出繼子殿元子爲孫守節凡三十四年

廖文琳妻張氏 知州鳳翎孫女年二十五夫故撫姪承祧守志十年卒

蕭利祥妻鍾氏 旌表建坊

敘州府志

卷三十八

列女

美

富順

曾月旺妻張氏 年二十九夫故事翁姑撫孤子持家有法歷節三十年咸豐元年 旌表

羅瑞元妻熊氏 年二十六夫故矢志守節孝事翁姑教子聲華入泮咸豐元年 旌表

李成桂妻鄧氏 鄧希統女年二十四夫故家徒四壁紡績餬口孝姑撫子堅貞不渝咸豐元年 旌表

鄧世春妻張氏 張玉芳女年二十九夫故孝親教子矢志靡他同治六年 旌表建坊

馬成元妻謝氏 年二十六夫故矢志撫孤子恒成立歷節四十年同治元年 旌表



謝璠妻柳氏 年二十七夫故苦節撫子成立五十八歲歿咸豐九年請 旌入祠

管國定妻陳氏 年二十九夫卒遺子二人時值明季兵燹饑饉氏艱難撫子成室二子旋卒氏撫孫矢志不移康熙甲子壽八十一卒 國初旌表總督吳

以撫三尺孫立兩朝節賁九重詔標萬古名題其墓

管舜先妻鄒氏 年二十五夫卒遺半歲子氏備嘗艱辛歷節近五十年咸豐元年 旌表

管成連妻王氏 庠生兆慰祖母年二十九夫卒時教匪亂離氏事翁姑無失職以耕讀教二子成立守

敘州府志

卷三十八

列女

七

富順

節四十餘年咸豐元年請 旌

鄧文灼妻范氏 宿儒枕湖女年二十六夫故以姪

承祧勤儉孝敬守節三十年

鄧文藝妻鄒氏 夫故氏年二十九無子以文生鄧

傑子繼嗣守節三十年

生員鄧洪章妻張氏 年二十二夫歿無子以文生

鄧槐子承祧守節三十年一門三節族黨咸欽

涂秀嶽妻文氏 庠生華先女年二十四夫歿遺子

女各一女及子媳相繼歿復撫姪孫敏璠爲子承嗣

氏撫孤兩世備歷艱辛同治八年 旌現年六十一



歲

涂秀端妻管氏 年二十七夫歿無子撫姪彥銓為嗣旋歿復撫嫡堂姪彥銘為嗣氏孝養翁姑始終不懈卒年五十二同治八年 旌

黃濤清妻鄧氏 年二十夫歿抱子守撫歷節三十八年己 旌

童女管永洪聘妻 年十七未于歸夫歿女矢志不字者十一年同治辛未始歸未家以夫弟永清子為嗣現年二十八

郭義舉妻李氏 年二十四夫歿守節撫三子禮福

敘州府志

卷三十八

列女

七

富順

禮祿禮謙現年五十四姑王氏現年八十四五世同堂

何其書妻黃氏 二十歲于歸未一載夫故撫胞兄子承祧計守節十一年卒

鄒克峴妻甘氏 年二十一夫故遺子半齡氏撫孤以慈奉翁姑盡孝性儉樸好施歷節四十餘年孫序傑序芳序儒皆庠生同治丁卯 旌表建坊

熊章桂妻林氏 夫歿守志撫孤子顯淮成立歷節六十餘年

熊顯淮妻李氏 年二十六夫歿孝事孀姑撫子達



川至今年六十姑媳雙節親戚咸欽

進士朱僱妻唐氏 綿邑進士樂宇女性敏慧通經  
史工楷法不苟言笑事翁姑能盡婦職翁歿姑年就  
衰僱官湖湘氏奉姑就養任所佐治有賢聲姑素患  
虛疾氏侍湯藥衣不解帶割股和藥疾得愈及侍姑  
歸里姑病復作氏再割股以進疾竟愈人謂誠孝所  
致暇輒手抄書授子圻堅讀講論精微卒登科甲族  
中子弟亦多所造就年八十猶能作楷書以子圻子  
堅貴封太恭人

舉人朱圻妻王氏 廩生鏞成母年二十夫故鏞成

敘州府志

卷三十八

列女

苑

富順

方襁抱次鈺成猶娠而未育氏撫養成立孝事翁姑  
恪盡婦道歷節三十年同治五年 旌表

監生朱增妻楊氏 年十八于歸生二子甫數載增  
歿增原配遺一子一女氏教養兼至視如己出訓已  
子尤嚴歷節三十年歿

廩生朱堃妻廣氏夏氏 廩生朱堃妻息氏鄒氏

廣氏年二十四夏氏年僅十七適堃甫二十七日堃  
卽赴北闈試卒於京夏氏聞耗懸樑身殉眾覺救始  
甦廣氏痛夫無後助嫡陳氏抱夫兄子鑑成爲嗣旋  
陳氏歸唁卒於涪兩氏扶櫬歸葬如禮堃胞弟堃痛



兄相繼物故其妾息氏鄒氏年均二十餘鄒氏生一女一子尙在襁兩氏矢志撫孤歲餘孤子夭抱猶子釗成又殤再抱族姪錙成含辛茹苦撫養入邑庠同治甲子鑑成登賢書呈請 旌表

廩生朱斯坦妾陳氏 年二十七夫歿姑已七十餘撫姪繼成爲夫後時家無成丁氏同嫡阮氏內和外禦各得其宜又能井臼躬操以代阮氏之勞事衰姑以孝聞苦節三十年卒

朱坦妻謝氏 舉人廷書女性貞靜適坦僅五載坦病卒無出抱夫兄子康成含冰茹蘖矢志不渝事姑

敘州府志

卷三十八

列女

百

富順

璋極孝處妯娌極睦卒年四十餘

王澍妻朱氏 舉人倪孫女夫故年二十三歲事翁姑以孝一生恪守女誠以夫無嗣屢議立嗣不就苦節二十餘年以憂卒同治四年 旌表

舉人田太瑩妾謝氏萬氏 夫歿家僅中資撫孤成立入邑庠孝事姑璋處正室亦和順歷節四十餘年俱 旌表入祠

汪體仁妻李氏 年二十九夫卒氏勤紡績事繼祖母養葬如禮撫子教以義方現年六十六歲

汪壽仁妻何氏 年二十夫歿子皆夭氏痛夫不祀



乃抱族姪尚義承祧現年六十四歲

林萬釗妻張氏 年十九夫故遺子一齡氏無所依

勤習女紅撫子成立現年八十一歲

徐世締妻盧氏 年二十夫歿矢志不二撫孤子成

人現年四十九

龍化妻張氏 年二十七喪偶無嗣以姪承祧守志

撫養成立壽七十九

陳謙道妻楊氏 年二十四夫歿立志撫孤守節五

十二年咸豐元年 旌表

賴振羽妻廖氏 年二十四夫歿撫孤成立家貧以

敘州府志

卷三十八

列女

百

富順

紡績為生活孝事衰姑守節三十三年

賴振彪妻陳氏 年十九夫故無子撫姪鵬萬為嗣

家赤貧苦節自甘漸臻繞裕歷節三十年

盧懷楊妻吳氏 年二十四守志撫二孤子成立氏

身值顛危卒全冰操道光二十五年 旌表建坊學

政王給克全節孝匾式

張興炳妻曾氏 年十九夫故遺孤未週一歲氏柏

舟矢志孝事翁姑苦節三十一年 旌學政夏以貞

介揚芬表其閭

彭錫璠妻程氏 年二十四守志養姑撫姪誠基承



嗣教之入邑庠

羅珍妻陳氏 年十九夫故無子矢志靡他事舅姑  
孝養備至苦節六十六年卒

金汝明妻洪氏 訓導粹選之媳年二十一守志養  
姑以兄子繼嗣屢歷艱辛鄉閭欽仰

雷秀樅妻王氏 年二十夫故前室遺一子僅歲半  
氏撫養嚴訓孝事瞽翁夫胞弟夫婦早故竭力撫幼  
姪成人守志已二十六年

金偉妻趙氏 年十九夫故無子撫姪為嗣一生貞  
靜事翁姑以孝聞歷節近三十年現請 旌

黃大有妻蕭氏 年二十二夫歿歷節四十四年  
旌

古正來妻曾氏 年二十五夫故無子撫姪為嗣姑  
存竭力孝養勤儉自持撫子成立守節三十餘年

古正芳妻張氏 年二十七夫故無子撫姪為嗣以  
婦代子能博堂上歡舉止端莊守節垂三十年

古承輔妻曾氏 武生在朝女年二十五夫故矢志  
靡他善奉翁姑撫子安仁成立有賢稱守節垂三十

年

劉本堃妻鄭氏 年二十夫故子甫週歲氏極力持



家奉姑訓子守節垂五十年

鄭昌懷妻李氏 年二十六夫故孝事翁姑訓二子以義方守節四十餘年

鍾永甯妻鄭氏 年十九夫故子甫半歲翁姑年邁孝養盡心家寒竭力經營漸至饒裕子成立克肖守節四十年

陳元鼎妻李氏 國學時春女年十八于歸甫半載夫故無子矢志冰霜越五年以夫弟子錫朋承祧撫訓成立孝事翁姑守節六十二年卒道光十五年請旌建坊

敘州府志

卷三十八

列女

重

富順

屈光裕妻徐氏 年二十一夫故矢志守節兼撫子明達及前妻子明哲成立 旌表建坊

李友賢妻王氏 年二十一夫故矢志守節善事翁姑撫二子浩溥成立性俱孝友溥入邑庠守志二十七載請 旌建坊

雷秀槐妻李氏 年二十四夫故守節其後與子大聲婦羅氏兩世孀居家賴以持 旌表列總坊

劉成松妻張氏 訓導良佐孫女年二十八夫故事姑以孝撫子成立守節四十餘年咸豐八年 旌林明月妻賴氏 年二十四夫歿守志歷節三十六



年同治八年 旌表

州同胡克明妻謝氏 夫故守志撫三子成立同治十一年 旌表

洪以南妻陳氏妾龐氏 年二十七夫故孝事翁姑撫孤子成立守節三十餘年妾龐氏年二十四與陳氏同守志三十餘年間里欽仰

易光表妻朱氏 舉人自玠女年二十四夫歿閱四月生子昌煥氏矢志撫孤終身不二現年五十五  
易光輝妻曾氏 年二十二夫故撫子昌穀矢志靡他苦節已三十一年

絳州府志

卷三十八

列女

高

富順

易光聆妻江氏 舉人大純女生子昌漢滇逆之亂光聆督團堵賊陣亡氏銜哀撫孤守貞不二現年四十有二歲

張大椿妻洪氏 年二十九夫故遺一子振夔氏矢志撫孤卒年八十八歲道光八年 旌表

張振夔妻周氏 年二十七夫故遺一子家聲氏矢志撫孤孝事孀姑洪氏卒年九十歲道光八年同姑旌表

張家聲妻唐氏 年二十九夫故遺三子氏矢志撫孤孝事孀姑周氏生歿如禮現年七十一歲



生員汪有瀾妻張氏毛氏 矢志守貞教子成立家聲賴以不墜子孫多列膠庠

梁占一妻藍氏 咸豐元年 旌表

劉開貴妻曾氏 年二十九夫故抱子承宗主持家政守志四十九年 旌

劉有臨妻廖氏 年二十四夫故抱子承宗守志三十三年 旌

陳樹樑妻曾氏 年二十三夫故無子矢志不二撫姪紹軒為嗣孝事翁姑現年五十有八

王正恒妻周氏 年二十四夫歿矢志靡他善事孀

敘州府志

卷三十八

列女

皇

富順

姑撫二子成立守節三十七年同治七年 旌表

周元興妻錢氏 年二十三夫故矢志撫子承祧卒年九十六

增生王錫光妻劉氏 年二十八夫故抱姪承祧卒年七十七

張鴻鑑妻潘氏 年二十一夫故撫遺孤承祧現年五十

黃鍾秀妻王氏 二十歲于歸僅數月夫故時弟方一歲翁故姑多病氏撫弟完配今抱胞姪承祧年五

十有八



羅玉潤妻李氏 羅玉成妻周氏 羅玉衡妻陳氏

羅全緯妻郭氏 廖庶瑩妾馬氏 俱 旌表入祠

殉節婦女

郭劉氏 吳啟忠妻鍾氏 范澤女福蓮

甘李氏 郭金聲母林氏 陳慶猷妻官氏

鄭李氏 梁李氏 雷作忠妻劉氏

譚德宣母萬氏 譚德信妻趙氏 賴客敵妻王氏

歐陽周氏 鄭李氏 歐陽女六英

周南山妻唐氏 幸坤載女招招 林成佐女翠蓮

江正倫妻廖氏 李朝常妻楊氏 陳正邦妻劉氏

敘州府志 卷三十八

列女

頁

富順

李國瑤妻王氏 舒永楨妻吳氏 謝啟信妻林氏

陳慶彪妻邱氏 楊元發妻李氏 舒永楨妾張氏

葛明倫妻喻氏 陳堂貳妻李氏 劉國崇妻黃氏

甘利朝妻李氏 卓益修妻洪氏 舒仁喜妻熊氏

丁椿堯妻幸氏 張祥安妻尹氏 謝信瑞女閏英

謝信啟女轉英 謝信啟女招蓮 謝啟信姪聘妻

周升蓮 張元修女小妹 唐澤益女自蓮

曾正良女長秀英 鍾萬隆女秀英 彭德林妻郭氏

生員張永華妻温氏舉人藍瑾章母楊氏 鄭朝有妻李氏

米世和妻劉氏 彭洪有妻田氏 崔代盛女春英



崔代盛女轉英

王霖玉妻李氏

黎開先妻王氏

何超羣妻王氏

張秀里妻劉氏

龔世元妻降氏

龔德里妻程氏

龔維彬女保貞

嚴雨亭女二姑

嚴瑞恭妻黃氏

易星明母姚氏

盧玠祖母范氏

楊大陞母姜氏

李昌絡母堯氏

林嘉謨妻許氏

李塾榮妻程氏

周開先妻李氏

周開先母程氏

李塾華妻陳氏

滿榜興母王氏

樊素妻陳氏

魏洪興妻吳氏

張太安妻杜氏

成德一女壽英

彭洪友母田氏

歐陽明妻周氏

段大文妻周氏

葉德菴妻鄧氏

吳天墀妻陶氏

涂元興妻羅氏

敘州府志

卷三十八

列女

五

富順

楊興盛妻萬氏

萬國元妻朱氏

余義盛妻楊氏

林德盛妻黃氏

李小白妻崔氏

蕭盛文母易氏

蕭榮甫妻鄧氏

蕭德甫妻劉氏

游仁壽女二姑

詹四和母陳氏

王紹坤妻劉氏

王鑑堂妻曾氏

葉正體妻胡氏

王廷級妻黃氏

李德仁妻劉氏

李國泰妻楊氏

廖福盛女長姑

廖福盛妻楊氏

嚴雨亭妻陳氏

徐以元妻周氏

楊顯忠妻彭氏

與幼女翠英以上皆投水死

徐尙福妻葉氏

徐尙祿妻周氏

徐達成妻舒氏

徐達有妻周氏

徐尙遵女三姑

黃修第妻徐氏



徐桂英 徐尙祿孫女弟志邦僅六歲同姐桂英死  
李錦相妻曾氏 負七歲女三姑七歲孫才海賊偏  
皆投水死

黃平安妻王氏 廖忠賢妻鄭氏 廖元瑞女庾蓮

李克明母黃氏 譚德信妻趙氏 譚德宣妻萬氏

陳祿禮妾羅氏 馮國安孫女 王在品妻劉氏

周光元女潤英 李鈺文妻黃氏 吳聘之妻王氏

吳有齡妻王氏 吳轟之妻李氏 以上三名遇賊

不從偕姪孫女吳汝巽赴水死

蔡增義妻李氏 趙明之妻吳氏 張順年妻胡氏

敘州府志 卷三十八

列女

頁

富順

楊大勳妻李氏 鄭鶴山妻李氏 熊德川妻明氏

楊大興妻李氏 謝順智妻鄭氏 侯福申妻李氏

侯福申女丙姑 侯福申女成姑 王德成女桂英

謝信瑞妻賀氏 謝正魁妻周氏 施柳堂女玉蓮

黃大成妻雷氏 黃大榮妻傅氏 藍國才妻劉氏

楊德成妻李氏 李太興妻賴氏 傅從善妻李氏

湯太學妻鄧氏 鄭子春妻李氏 范廷貴女長英

王衢亨女桂英 羅德先妻李氏 徐義錕妻楊氏

黃映軒母曾氏 黃映軒妻徐氏 郭文震妻林氏

鍾玉貴女秀英 張元佐女秀蓮 戴有之妻李氏



戴富之妻張氏 李朝楷妻楊氏 胡國仁妻舒氏

生員孫維禎母彭氏

楊德源妻周氏 鄉民周師儒女咸豐庚申年九月

濱賊至邑掠婦女氏恐偏污負半歲兒解縊之又速

解帶縊死僅遺長子逃免

歐陽文靜楊烈婦詞

精金百鍊繞指柔長河百折歸東流獨有勁節不可遏寒松貞

潔霜蘭幽己未滇南竄羣醜戎江百里皆賊藪烏合年餘勢益張倏忽大陽莊前後壯者望風逃老者杜門守一賊持戈來十人不敢走女多辱身男授首談兵翻悔承平久惡焰騰騰銳莫當誰其折之楊氏婦此婦生小在鄉里避賊無門拚一死劇憐半歲兒呱呱嗥未已母死兒斷哺兒終無生理携兒出門纖步紆回頭賊騎驚追呼手持雙帶告同伴妾頭可斷身難汗一帶送兒泉下去一帶繫項與兒俱頽顏向賊

敘州府志

卷三十八

列女

覓

富順

胡為者噴血直吞千萬夫焚香羣賊亦羅拜可知人心無人無同時女伴愕相顧藉此因之全微軀吁嗟乎一人抗賊餘人活賊不能犯賊膽落

徐楊氏 名五英仙灘場梓人女歸蔴柳沱農民徐

姓僅數月賊至虜掠婦女其時翁與夫皆逃惟留姑

媳守屋五英恐被辱俟姑睡潛赴沱死隣婦呼姑往

救已無及矣次早屍浮水面流至丁沱回旋不去薄

暮其姑尋至雇傭收屍葬之面如生見者泣下時年

十六

羅篠南詩

楊家有女十餘齡姿容端麗性幽貞于歸半載苦避兵堂上怨言耗選青聞之抑鬱

心不甯其年庚申月新正且欣遠道鏡臯騰仍作一雙鸞鳳鳴豈知秋至益縱橫偏近仙市凌妖氛曉夜



捉人赴其營婦女往往遭姦淫與其人世玷芳聲何若水濱全令名吁嗟哉男兒取義能捨生不謂巾幗理亦明況乎質美年尤輕天生烈性誠堪欽紅顏逐波肆揚靈揚侯詫異河伯驚龜魚負載潛游行蒼水使者導前旌丁字沱邊去復停收屍備亦涕爲零不意天壤有徐卿棺不一撫穴不臨翁姑愀罄橐中金體蔽嫁衣鬢檀簪玉貌如生蟲莫侵一棺旋葬酸人心斜陽無色水吞聲

陳世衡妻潘氏 邑人簡世珍記氏歸陳克盡婦職

庚申滇匪竄牛佛渡擾村里氏貧未能遠徙聞賊至乃携子女走避道遇賊漁其色思逼之氏且走且罵賊怒欲斫之氏曰吾不俟汝殺道旁適有止水塘負女遂投水中其子居亮甫六齡見母入水亦號咷從之後賊稍退其夫悄歸得婦於水中顏色如生衣履

敘州府志

卷三十八

列女

厚

富順

宛然倉卒不能具棺且恐賊突至就掩於塘其明年賊遠颺取以葬尸不腐亦不臭與前所謂如生者無少異盡節生前神留身後生英死靈者矣

以上並新縣志

駱貞女 國選長女幼字張正鵠年十一迎過夫家撫養未婚正鵠故女年十三痛不欲生翁姑婉諭女勉忍泣曰翁姑老矣子亡請立後以承宗祧乃撫嫡堂兄正元次子道鵬爲嗣家雖貧甘旨無缺翁歿祭葬如禮繼事孀姑尤能竭力以適姑意訓孤子慈嚴兼盡稱賢母焉

王槐嶺妻陳氏 大本女年二十夫故無子撫姪文



仇爲嗣事翁姑竭誠盡力及翁姑伯叔相繼歿氏力營祭葬撫子及諸姪成立今氏年逾八袞矣

宗澤齊妻袁氏 君達女年二十三夫故撫孤子成立子死更撫孫孫又殞復撫曾孫大鎮承祧光緒五年旌

曾懷柏妻彭氏 年二十八夫故翁姑俱增大耄孝養備至教三子以義方猶子彥章未晬卽失怙恃氏乳哺同己子均撫養成立年七十有六

宗永登妻張氏 年二十九夫故誓死不二遺子方二齡咸豐五年子復殤乃撫族孫承祧時孀姑年邁

敘州府志

卷三十八

列女

五

富順

左右扶持相依爲命及歿躬親含殮禮制不違光緒五年旌

鍾澤遠妻曾氏 年二十二夫故遺一子方晬誓志撫孤時重幃具慶會事之以孝聞今子又生子孫復生孫矣

王明慧妻鄒氏 年二十九夫故貧甚惟遺一子傳祿矢志持節日與呱呱共泣或吊之曰何自苦若是耶鄒泣曰吾所以不卽死者以雛嬰在故也自是獨處一室宵旰勤紡織以資育孤餽粥藐孤旣長竭力婚配年六十卒邑紳等呈請旌表



王明開妻歐陽氏 振榮女年二十七夫故拮据奉  
孀姑撫弱息有勸以他適者氏厲色拒之撫子傳壽  
成立光緒己卯壽七十有二 旌

黃廷仁妻胡氏 年二十二夫故力任養親撫子辛  
苦持家勤儉有法子賡颺入武庠年六十有五 旌  
林天德妻羅氏 年二十七夫故甘貧守節竭力事  
翁姑備得歡心撫育二孤成立年逾古稀

鄭達三妻張氏 年二十七夫故痛絕欲以死殉念  
翁姑齒暮家鮮次丁力任供菽水左右奉養備得歡  
心無子擇族姪之賢者以承夫祧年垂古稀終養舅

敘州府志

卷三十八

列女

五

富順

姑婚配其子族人賢之

黃順儒妻張氏 年二十九夫故矢志守節昕夕躬  
紡績上事翁姑下育孤子未幾姑歿氏事繼姑曲盡  
婦道仍得歡心苦守三十三年卒邑紳呈請 旌表  
陳紹庸妻王氏 威遠貢生賡祥女通書史知大義  
年十八嫁紹庸三月而夫亡無子撫姪光宗爲嗣值  
叔弟夫婦又亡遺二子甫週歲氏撫猶子如己子及  
長讀書娶婦氏獨力摒擋孫國楨入泮氏壽六十一  
終

胡啟林妻楊氏 年二十四夫故無子撫夫胞兄子



國賢承祧泣誓守節事孀姑以孝聞課子夜讀必至  
雞鳴苦節三十餘年曾不一出門戶里人稱之

王元芝妻甘氏 年二十四夫死遺一子孝事翁姑  
克盡婦道翁姑歿祭葬如禮至處姒娣間推逸就勞  
尤極和睦氏年五十邑紳呈請 旌表

呂寅中妻鄭氏 年二十三夫故守節事翁姑頗得  
歡心訓子不事姑息滇匪之亂瀕死而生卒奉老撫  
孤復業年逾花甲猶兢兢自持

黃秉仁妻甘氏 年二十四夫故遺一子誓死守節  
家貧舅姑俱衰耄氏勤紡績以奉旨甘生事死葬惟

敘州府志

卷三十八

列女

三

富順

氏是賴氏年近七十 旌

陳樹中妻馮氏 年二十一夫故翁姑俱存氏朝夕  
左右曲盡婦道養葬無虧光緒五年齒垂六旬 旌

鄭榮鳳妻黃氏 年二十九夫故家貧翁姑齒暮力

勤井臼以奉旨甘撫子成立年已六旬猶刻苦持節

黃毓成妻姚氏 年二十三夫故誓志撫孤養老子

殤翁姑憫之勸他適氏泣曰夫死已作未亡人可再

適乎由是閉門寂處以喪子故兩目俱盲又十餘年

撫胞姪秀彬承祧壽五十二終

鍾發遠妻彭氏 年二十三夫故無子撫姪承祧家



貧傭女紅以奉翁姑姑性嚴重氏謹事之無違卽受督責不怨也有因其少寡夜以魑魅嚇之使易志者氏泣曰未亡人誓死靡他豈懼鬼改節耶今氏年垂六旬子亦成立言及當年孤燈獨守艱苦萬狀猶泣不自禁云

劉智慧妻王氏 年二十二夫故遺孤方一週矢志不再醮勤鍼黹以養老撫孤族人有勸其改志者卽截髮誓志年逾五旬 旌

宗惠遠妻熊氏 年十八夫故哀毀幾絕誓無他志同孀姑共持筠節氏性純孝與姑相依爲命年近六旬子亦成立親戚猶罕見其面云

胡倫賢妻蕭氏 國學邦禮女夫故誓以身殉母氏婉諭以孀姑誰事二孤誰託氏乃勉收血淚矢志靡他奉姑盡孝撫子迄於成立

宗習遠妻甘氏 結褵一載夫亡時年十八無嗣同姑孀守備盡誠孝撫夫兄子承祧光緒五年 旌

陳開新妻呂氏 監生思儒女年二十三夫故毀容誓死不更適辛勤機杼以爲養翁姑費教二子督責綦嚴齒逾六十

王章海妻耿氏 年二十二夫故無子撫姪儒榮爲



嗣翁老姑病癱眠床數載氏親奉湯藥始終無懈及  
歿力營祭葬族黨咸以孝稱年四十有二終

監生徐以琮妻呂氏 年二十四夫故無子撫前室  
子其錫恩勤備至光緒四年故

監生趙太蛟妻禹氏 年二十三夫故無子撫夫兄  
子華勳承祧姑老而病氏日侍左右未嘗一刻離姑  
歿含哀盡禮人以孝婦稱今年逾五旬矣

胡光珩妻陳氏 九姓庠生慶暄女年二十八夫故  
孝事孀姑未幾子復殤乃撫族姪華昌爲嗣訓以義  
方年四十三卒族人哀之

敘州府志

卷三十八

列女

墓

富順

胡光璵妻周氏 年二十夫故姑嫜齒暮痛子幾喪  
明氏左右侍奉俾二親悅而忘憂翁姑以氏無子撫  
姪華紀爲嗣愛逾已出守節十二年卒 旌並節  
孝錄

謝文寅妻黃氏 唐澤咸妻明氏 謝華承妻張氏  
張福龍妻楊氏 俱在府學舉報

以上新增

